

唐書合鈔

唐書卷第七

本紀七

中宗

中宗大和大聖大昭孝皇帝諱顯高宗第七子母曰則天順聖皇后顯慶元年十一月乙丑生於長安明年封周王授洛州牧儀鳳二年徙封英王改名哲授雍州牧永隆元年章懷太子廢其年立爲皇太子宏道元年十二月高宗崩遺詔皇太子柩前卽帝位皇太后臨朝稱制改元嗣聖元年二月皇太后廢帝爲廬陵王幽於別所其年五月遷於均州尋徙居房陵聖曆元年召還東都立爲皇太子依舊名顯時張易之與弟昌宗潛圖逆

亂神龍元年正月鳳閣侍郎張柬之鸞臺侍郎崔元暉
左羽林將軍敬暉右羽林將軍桓彥範司刑少卿袁恕
已等定策率羽林兵誅易之昌宗迎皇太子監國總司
庶政大赦天下鳳閣侍郎韋承慶正諫大夫房融司禮
卿韋慶等下獄甲辰命地官侍郎樊忱往京師告廟陵
司刑少卿兼王府司馬袁恕已爲鳳閣侍郎同鳳閣鸞
臺平章事乙巳則天傳位於皇太子丙午卽皇帝位於
通天宮大赦天下唯易之黨與不在原限爲周興來俊
臣所枉陷者咸令雪免內外文武官加兩階三品已上
加爵二等入五品等特減四考大酺五日以并州牧相

王旦及太平公主有誅易之兄弟功相王加號安國相
王進拜太尉同鳳閣鸞臺三品公主加號鎮國太平公
主仍賜實封通前滿五千戶皇親先被配沒者子孫令
復屬籍仍量敘官爵出宮女三千丁未天后徙居上陽
宮庚戌鳳閣侍郎同鳳閣鸞臺平章事張柬之爲夏官
表天官 尙書同鳳閣鸞臺三品封漢陽郡公鸞臺侍郎兼

檢校太子右庶子同鳳閣鸞臺平章事崔元暉爲守內

史封博陵郡公袁恕已表爲鳳閣侍郎同鳳閣鸞臺三品封南

陽郡公敬暉爲納言平陽郡公桓彥範爲新書納言譙

郡公竝加銀青光祿大夫賜實封五百戶右羽林大將

軍選國公李多祚進封遼陽郡王賜實封六百戶內直
郎駙馬都尉王同皎爲雲麾將軍右千牛將軍琅邪郡
公食實封五百戶竝賞誅張易之兄弟功其餘封各有
差上天后尊號爲則天大聖皇帝二月甲寅復國號依
舊爲唐社稷宗廟陵寢郊祀行軍旗幟服色天地日月
寺宇臺閣官名竝依永淳已前故事神都依舊爲東都
北都爲并州大都督府老君依舊爲元元皇帝諸州百
姓免今年租稅房州百姓給復三年改左右肅政臺爲
左右御史臺韋承慶貶高要尉房融配流欽州

新書
高州中

書令楊再思爲戶部尙書同中書門下三品京畱守太

僕卿同中書門下三品姚元之出爲亳州刺史己未封
堂兄左金吾將軍鬱林郡公千里爲成紀郡王左金吾
衛大將軍實封五百戶令貢舉人停習臣軌依舊習老
子甲子立妃韋氏爲皇后大赦天下內外官陪位者賜
勳一轉大酺三日後父故豫州刺史元貞爲上洛郡王
后母崔氏贈上洛郡王妃初韓王元嘉霍王元軌等自
垂拱以來皆遭非命是日追復官爵令備禮改葬有胤
嗣者卽令承襲無胤嗣者聽取親爲後詔九品已上及
朝集使極言朝政得失兼舉賢良方正直言極諫之士
丙寅左散騎常侍譙王重福貶濮州員外刺史不知州

事特進太子賓客梁王武三思爲司空同中書門下三品加實封五百戶通前一千五百戶丁卯右散騎常侍定安郡王駙馬都尉武攸暨封定王爲司徒更加實封四百戶通前一千戶辛未上往觀風殿朝天后太尉安

國相王旦固讓太尉及知政事遂從其請甲戌國子祭

酒太子少詹事祝欽明同中書門下三品黃門侍郎知侍中

事韋安石爲刑部尙書罷知政事丙子諸州置寺觀一

所以中興爲名丁丑武三思固讓司空同中書門下三

品武攸暨固讓司徒封王許之改封義興郡王重俊爲

衛王北海郡王重茂爲溫王三月辛巳追復故司空英

國公李勣官爵令所司爲起墳改葬甲申制文明已來
破家臣僚所有子孫竝還資廕其揚州搆逆徒黨唯徐
敬業一房不在免限餘竝原宥丁亥廢左右司員外郎
其酷吏劉光業王德壽王處貞屈貞筠劉景陽等五人
雖已身死官爵竝宜追奪景陽見在貶祿州樂單尉邱
神勣來子珣萬國俊周興來俊臣魚承曄王景昭索元
禮傅遊藝王宏義張知默裴籍焦仁亶侯思立郭霸李
敬仁皇甫文備陳嘉言等雖已身死竝宜除名唐奉一
配流李秦授曹仁哲竝改與嶺南遠惡處己丑中書侍
郎兼檢校相王府長史南陽郡公袁恕己爲

新書

中書

令兼檢校安國相王府長史詔曰君臣朝序貴賤之禮
斯殊兄弟大倫先後之儀亦異聖人之制率由斯道朕
臨茲寶極位在崇高負展當陽雖受宗枝之敬退朝私
謁仍用家人之禮近代以來罕遵軌度上及公主曲致
私情姑叔之尊拜於子姪違法背禮情用惻然自今已
後宜從革弊安國相王旦及鎮國太平公主更不得輒
拜衛王重俊兄弟及長寧公主姊妹等宜告宗屬知朕
意焉先是諸王及公主皆以親爲貴天子之子諸姑叔
見之必先致拜若致書則稱爲啓事上志欲敦睦親族
故下制革之庚寅衛王重俊上洛州牧王乘駟馬車鹵

簿從諸王公已下中書門下五品已上及諸親竝祖送

禮儀甚盛事畢賜物有差辛卯以故司僕少卿徐有功

執法平恕追贈越州都督并授一子官戊戌左右千牛

衛各置大將軍一員罷奉宸府官員以安北大都護安

國相王旦爲左右千牛大將軍每大朝會內供奉丙午

改秋社依舊用仲秋戊申相王旦於太常廳上王公諸

親祖送衛尉張設光祿造食禮畢賜物如衛王上洛州

牧之儀夏四月辛亥桓彥範爲侍中袁恕己爲中書令

表張柬之爲天官尙書案此疑正月庚戌同三品之拜而出行文蓋是乙丑表丁端州高尉魏

元忠爲衛尉卿同中書門下三品新書同平章事辛未敬暉爲侍中甲

戊表魏元忠爲兵部尙書

左庶子韋安石爲吏部尙書太子賓客

李懷遠爲右

新書左

散騎常侍右庶子唐休璟

表自涼州入爲

輔國大將軍右庶子崔元暉爲特進檢校益州大都督

府長史判都督事右庶子京畱守戶部尙書宏農郡公

楊再思爲檢校揚州大都督府長史判都督事

竝同中書門下

三品少詹事兼侍讀國子祭酒祝欽明爲刑部尙書竝依

前知政事以上在春宮故僚也乙亥張柬之爲中書令

表同中書門下三品

戊寅追贈邵王重潤爲懿德太子同官縣大

雨雹

新書五行志在壬子

燕雀多死漂溺居人四百家遣使賑給

五月壬午遷武氏七廟神主於西京崇尊廟

乙酉東都創

置太廟社稷戊子制依舊以周隋爲二王後壬辰封成

紀郡王千里爲成王癸巳

新書甲午

侍中敬暉封爲平陽郡

王侍中桓彥範扶陽郡王賜姓韋氏中書令張柬之漢

陽郡王中書令袁恕己南陽郡王特進崔元暉博陵郡

王竝加授特進罷知政事吏部尙書韋安石爲兼

新書檢校

中書令兵部尙書魏元忠爲兼侍中丙申皇后表請天

下士庶爲出母三年服年二十二成丁五十九免役

表庚

子李懷遠爲左散騎常侍

癸卯降梁王武三思爲德靜郡王定王武

攸暨爲樂壽郡王河內王武懿宗等十餘人竝降爲國

公甲辰特進芮國公豆盧欽望爲尙書左

新書右

僕射輔

國大將軍酒泉郡公唐休璟爲尚書右

新書左

僕射依舊

同中書門下三品

表同平章事誤

丙午制以鄒魯之邑百戶爲

太師隆道公宣尼菜邑用供薦享又授裔孫襲聖侯崇

基朝散大夫仍許子孫傳襲六月

王子左驍衛大將軍裴思諒爲靈武道行

軍大總管以備突厥

丁巳河北十七州大水漂沒人居癸亥尚書

左僕射豆盧欽望軍國重事中書門下可其平章檢校

中書令韋安石中書令兼檢校吏部尚書檢校侍中魏

元忠兼檢校兵部尚書楊再思兼戶部尚書兼檢校中

書令丁卯耐孝敬皇帝神主於太廟廟號義宗非禮也

新書在八月乙亥

戊辰洛水暴漲壞廬舍三千餘家溺死者甚

衆新書在七月甲辰

秋七月辛巳太子賓客韋巨源同中書門

下三品乙未以特進漢陽郡王張柬之爲襄州刺史仍

不知州事八月戊申以水災令文武九品已上直言極

諫河南洛陽百姓被水兼損者給復一年甲子

新書

追

冊故妃趙氏爲恭皇后孝敬妃裴氏爲皇后乙亥上親

祔太祖景皇帝獻祖光皇帝世祖元皇帝高祖神堯皇

帝皇祖太宗文武皇帝皇考高宗天皇大帝皇兄義宗

孝敬皇帝神主於太廟皇后廟見丁丑御洛城南門觀

鬪象

表豆盧欽望兼檢校安國相王府長史

九月壬午親祀明堂大赦天

下禁化胡經及婚娶之家父母親亡停喪成禮天下大

醜三日戊戌

新書
癸巳

太子賓客韋巨源爲禮部尙書依舊

知政事

新書罷
知政事

冬十月

表丁未唐休璟爲京
畱守仍判尙書省事

癸亥幸龍

門香山寺乙丑

幸新安改宏文館爲修文館辛未魏元

忠爲中書令楊再思爲侍中十一月戊寅加皇帝尊號

曰應天皇后尊號曰順天壬午皇帝皇后親謁太廟告

授徽號之意大赦天下賜醜三日己丑御洛城南門樓

觀潑寒胡戲辛丑衛王重俊爲左衛大將軍遙領揚州

大都督溫王重茂爲右衛大將軍遙領并州大都督王

寅則天皇太后崩

廢崇
恩廟

二年春正月丙申護則天靈駕還京戊戌吏部尙書李

嶠同中書門下三品中書侍郎于惟謙同中書門下平

章事閏月丙午朔置公主府官員乙卯以特進敬暉桓

彥範袁恕已等三人為滑洺豫刺史二月乙未刑部尚

書新書禮部尚書守刑部韋巨源同中書門下三品遣十使巡察

風俗丙申僧惠範道士史崇元等十餘人授官封公以

賞造聖善寺功也三月甲辰中書令韋安石為戶部尚

書罷知政事戶部尚書蘇瓌為侍中新書京畱守乙巳

黃霧四塞戊申唐休璟請致仕許之庚戌殺光祿卿駙馬

都尉王同皎王子洛陽城東七里許地色如水側近樹

木往來車馬歷歷影見水中經月餘乃滅是月大置員

外官自京諸司及諸州佐凡二千餘人超授闕官七品

已上及員外者千餘人王戎贈后父韋元貞太師益州

都督夏四月甲戌又贈元貞爲鄴王元貞弟四人竝贈

郡王己卯

新書
己丑

左散騎常侍同中書門下三品李懷遠

請致仕許之

己亥
於鄭縣

辛巳

新書
辛丑

洛水暴漲壞天津橋

五月庚申葬則
天大聖皇后

六月戊寅特進朗州刺史平陽郡王敬

暉貶崖州司馬特進亳州刺史扶陽郡王桓彥範龍州

司馬特進郢州刺史袁恕已竇州司馬特進均州刺史

博陵郡王崔元暉白州司馬特進襄州刺史漢陽郡王

張柬之新州司馬竝員外置長任舊官封爵竝追奪秋

七月丙午新書
丙申立衛王重俊爲皇太子丙寅中書令兼

檢校兵部尚書齊國公魏元忠爲尚書右僕射兼中書

令仍知兵部事吏部尚書李嶠爲新書中書令刑部尚

書韋巨源爲吏部尚書依舊同中書門下三品新書表在景龍

元年七月壬戌庚午禮部尚書祝欽明爲中丞蕭至忠所劾辛未

前左散騎常侍李懷遠爲左散騎常侍同中書門下三

品東都畱守新書紀表皆拜同三品無東都畱守文案

範於瀆州袁恕已於環州崔元暉於古州張柬之於瀧州八月丙祝欽明貶青州新書

申刺史王寅幸白馬寺九月戊午左散騎常侍李懷遠

卒王寅案是月無置戶部侍郎一員冬十月己卯車駕

還京師

癸巳蘇瓌為侍中

戊戌至自東都十一月乙巳大赦天

下行從文武官賜勳一轉改河南為合宮洛陽為永昌

嵩陽為乾封陽城為告成戊午兼祕書監鄭普思坐妖

逆配流儋州其黨與皆伏誅十二月己卯突厥默啜寇

靈州鳴沙縣靈武軍大總管沙吒忠義逆擊之官軍敗

績死者三萬辛巳突厥進寇原會等州掠隴右牧馬萬

餘而去甲申募能斬默啜者封授諸大衛大將軍丙戌

以突厥犯邊京師亢旱令減膳徹樂

罷土木工

河北水大饑

命侍中蘇瓌存撫賑給丙申特進尚書左僕射兼安國

相王府長史芮國公豆盧欽望為開府儀同三司依舊

平章軍國重事尚書右僕射兼中書令知兵部事齊國公魏元忠爲尚書左僕射兼中書令仍兼知兵部事是冬牛大疫

三年

景龍元年

春正月庚子朔不受朝會喪未再期也庚戌

以默啜寇邊制募猛士武藝超絕者各令自舉內外羣官各進破滅突厥之策丙辰以旱親錄囚徒己巳遣武攸暨武三思往乾陵祈雨於則天皇后既而雨降上大感悅二月辛未新書丙戌制武氏崇恩廟依舊享祭仍置五品令七品丞其昊陵順陵置令丞如廟壬午新書甲午贈太師鄧王廟號褒德陵號榮先置六品令八品丞庚寅改

中興寺觀爲龍興內外不得言中興辛卯幸安樂公主宅三月庚子吐蕃贊普遣大臣悉董熱獻方物是春自京師至山東疾疫民死者衆河北河南大旱夏四月辛巳以嗣雍王守禮女爲金城公主出降吐蕃贊普庚寅幸薦福寺曲赦雍州五月戊戌左屯衛大將軍兼檢校潞州長史張仁亶爲朔州道大總管以備突厥丙午突厥默啜殺我行人臧思言以旱避正殿減膳六月丁卯朔日有食之庚午雨土於陝州戊子姚萇道討擊使侍御史唐九徵擊姚州叛蠻破之俘虜三千計遂於其處勒石紀功焉是夏山東河北二十餘州旱饑僅疾疫死者數千計遣使

賑卹之秋七月庚子

新書
辛丑

皇太子重俊與羽林將軍李

多祚等率羽林千騎兵三百餘人誅武三思武崇訓遂

引兵自肅章門斬關而入帝惶遽登元武樓重俊引兵

至下上自臨軒諭之衆遂散去殺李多祚重俊出奔至

鄆縣爲部下所殺癸卯大赦天下

王戊李嶠
爲中書令

八月丙子

改元武門爲神武門樓爲制勝樓丙戌左僕射兼中書

令魏元忠請致仕授特進九月丁酉兵部尙書郢國公

宗楚客左衛將軍兼太府卿紀處訥

表爲太
僕卿

竝同中書

門下三品吏部侍郎兼左御史臺中丞蕭至忠爲黃門

侍郎兼左御史中丞同中書門下三品中書侍郎東海

郡公于惟謙爲國子祭酒罷知政事庚子上皇帝尊號

曰應天神龍皇后尊號曰順天翊聖

新書在八月丙戌

大赦天

下改元爲景龍兩京文武官三品已上賜爵一級四品

已下加一階外官賜勳一轉甲辰特進魏元忠左授務

川尉言與重俊通謀也庚戌

新書辛亥

侍中兼左御史臺大

夫楊再思爲中書令吏部尙書韋巨源太府卿紀處訥

竝爲侍中侍中蘇瓌爲吏部尙書

表丙辰蕭至忠行中書侍郎

壬戌

改左右羽林衛千騎爲萬騎仍分爲左右冬十月

戊寅殺習

藝館內教蘇安恒

王午彗見於西月餘而滅皇后上神武頌令

兩京及四大都督府皆刻之於石十二月乙丑朔日有

食之丁丑京師雨土

二年春正月丙申滄州雨雹大如雞卵二月辛未幸左

金吾大將軍陳國公陸頌宅皇后自言衣箱中裙上有

五色雲起令畫工圖之以示百僚乃大赦天下癸未夜

天保星墜西南有聲如雷野雉皆雊乙酉新書庚寅帝以后

服有慶雲之瑞大赦天下內外五品已上母妻各加邑

號一等無妻者聽授女天下婦人八十已上版授鄉縣

郡等君三月丙子朔方道大總管張仁亶築受降城於

河上夏四月庚午左散騎常侍樂壽郡王駙馬都尉武

攸暨讓郡王改封楚國公癸未修文館增置大學士八

員直學士十二員己丑幸長樂公主莊卽日還宮六月

丁亥改太史局爲太史監罷隸祕書省秋七月辛卯台

州地震癸巳左屯衛大將軍攝右御史臺大夫朔方道

行營大總管韓國公張仁亶同中書門下三品有赤氣

竟天其光燭地經三日乃止

丁酉有星孛於胃昴

九月甲戌黃霧

昏濁冬十一月庚申突厥首領娑葛叛自立爲可汗遣

弟遮弩率衆犯塞

御史中丞馮嘉賓使於突厥死之

己卯以安樂公主

出降假皇后仗出於禁中以盛其儀帝及后御安福樓

以觀之禮畢大赦天下賜酺三日癸未安西都護牛師

獎與娑葛戰於火燒城師獎敗績沒於陣是冬西京吏

部置兩侍郎銓試東都又置兩銓恣行囑請又有斜封授官預用秋闕

三年春正月丁卯黃霧四塞癸酉幸薦福寺乙亥宴侍臣及近親於梨園亭二月己丑幸元武門與近臣觀宮女大酺既而左右分曹共爭勝負上又遣宮女爲市肆鬻賣衆物令宰臣及公卿爲商賈與之交易因爲忿爭言辭猥褻上與后觀之以爲笑樂壬寅侍中舒國公韋巨源爲尙書左僕射中書令楊再思爲尙書右僕射竝同中書門下三品壬子及皇后幸太常寺三月戊午兵部尙書郢國公宗楚客爲中書令中書侍郎鄴國公蕭至忠爲新書

守侍中太府卿韋嗣立爲

新書

兵部尙書同中書門下

三品中書侍郎檢校吏部侍郎崔湜同中書門下平章事兵部侍郎趙彥昭爲中書侍郎同中書門下平章事庚申日赤紫色無光戊寅禮部尙書兼揚州大都督魯國公韋溫爲太子少保兼揚州大都督同中書門下三品太常少卿兼檢校吏部侍郎鄭愔同中書門下平章事夏五月丙戌崔湜鄭愔坐賊湜貶襄州刺史愔貶江州司馬六月癸巳太白晝見於東井庚子以經籍多缺使天下搜括壬寅以旱避正殿減膳親錄囚徒癸卯尙書右僕射楊再思薨秋七月乙卯朔鎮軍大將軍右驍

衛將軍兼知太史事迎業至忠配流柳州丙辰娑葛遣

使來降辛酉幸梨園亭宴侍臣學士皇后表請諸婦人

不因夫子而加邑號者許同見任職事官聽子孫用廕

從之王戌安福門外設無遮齋三品已上行香癸亥御

承慶殿錄囚徒

庚辰澧水溢

壬午遣使冊驍衛大將軍兼衛

尉卿金河王突騎施守忠爲歸化可汗八月乙酉特進

行中書令趙國公李嶠爲特進

表守兵部尚書

同中書門下三

品侍中鄴國公蕭至忠爲中書令特進鄖國公韋安石

爲侍中庚寅諸州各置司田參軍一員吐蕃贊普遣使

勃祿星奉進國信贊普祖娑進物及上中宮安國相王

太平公主有差壬辰遣十使巡察天下有星孛於紫宮
令特進佩魚散職佩魚自此始也乙未親送朔方軍總
管韓國公張仁亶於通化門外上製序賦詩乙巳幸安
樂公主山亭宴侍臣學士賜繪帛有差九月壬戌幸九
曲亭子宴侍臣學士戊辰吏部尚書懷縣公蘇瓌爲尚
書右新書僕射同中書門下三品表韋巨源冬十月庚
寅幸安樂公主金城新宅宴侍臣學士十一月乙丑親
祀南郊皇后登壇亞獻左僕射舒國公韋巨源爲終獻
大赦天下見繫囚徒及十惡咸赦除之雜犯流人竝放
還京文武三品已上賜爵一等四品已下加一階京官

及應龔岳收入三品五品減考高年版授大酺三日壬申幸見子陵甲戌開府儀同三司芮國公豆盧欽望薨吐蕃贊普遣其大臣尙贊吐來逆女十二月壬辰前尙書右僕射宋國公唐休璟爲太子少師同中書門下三品甲午上幸新豐之溫湯庚子幸兵部尙書韋嗣立莊封嗣立爲逍遙公上親製序賦詩便遊白鹿觀甲辰曲賜新豐縣百姓給復一年行從官賜勳一轉是月幸驪山乙巳至自溫湯己酉令諸司長官向醴泉坊看潑胡王乞寒戲

四年春正月乙卯於化度寺門設無遮大齋丙寅上元

夜帝與皇后微行觀燈因幸中書令蕭至忠之第是夜

放宮女數千人看燈因此多有亡逸者丁卯夜又微行

看燈

幸韋安石長寧公主第

丁丑命左驍衛大將軍河源軍使楊

矩爲送金城公主入吐蕃使己卯幸始平送金城公主

歸吐蕃二月壬午曲赦咸陽始平改始平爲金城縣便

幸長安令王光輔馬嵬北原莊癸未至自金城庚戌令

中書門下供奉官五品已上文武三品已上并諸學士

等自芳林門入集於梨園毬場分明拔河帝與皇后公

主親往觀之三月甲寅幸臨渭亭修禊飲賜羣官柳捲

以辟惡丙辰遊宴桃花園庚申京師雨木冰井水溢壬

戊賜宰臣已下內宴甲子

下闕文。以河源九曲子吐蕃。

夏四月丁亥

上遊櫻桃園引中書門下五品已上諸司長官學士等

入芳林園嘗櫻桃便令馬上口摘置酒爲樂己未幸隆

慶池結綵爲樓宴侍臣汎舟戲樂因幸禮部尙書竇希

玠宅五月辛酉祕書監嗣虢王邕改封汴王乙丑皇后

請加嗣王三品丁卯許州司兵參軍燕欽融上書言皇

后干預國政安樂公主武延秀宗楚客等同危宗社帝

怒召欽融廷見撲殺之

丁丑剡縣地震

時安樂公主志欲皇后

臨朝稱制而求立爲皇太女由是與后合謀進鳩六月

壬午帝遇毒崩於神龍殿年五十祕不發喪皇后親總

庶政癸未

新書
壬午

以刑部尙書裴談工部尙書張錫竝同

中書門下三品依舊東都畱守吏部尙書張嘉福中書

侍郎岑羲吏部侍郎崔湜竝同中書門下平章事又命

左右金吾衛大將軍趙承恩右監門大將軍薛簡率兵

五百人往均州備譙王重福立溫王重茂爲皇太子甲

申發喪於太極殿宣遺制皇太后臨朝大赦天下改元

爲唐隆見繫囚徒常赦所不免者咸赦除之長流任放

歸田里負犯痕痕咸從洗滌內外官三品已上賜爵一

級四品已下加一階以安國相王旦爲太子太師

參謀
政事

進封雍王守禮爲邠王壽春郡王成器爲宋王宗正卿

晉封新興王丁亥皇太子卽帝位於柩前時年十六皇

太后韋氏臨朝稱制大赦天下常赦所不原者咸赦除

之罷睿宗參謀政事以爲太尉內外兵馬諸親掌仍令韋溫總知時

召諸府折衝兵五萬人分屯京城列爲左右營諸韋子

姪分統之溫王妃陸氏爲皇后壬辰遣使諸道巡撫紀處訥關內

道張嘉福河北道岑羲河南道庚子夜臨淄王隆基舉

兵誅諸韋武皆梟首於安福門外韋太后爲亂兵所殺

九月丁卯百官上諡曰孝和皇帝廟號中宗十一月己

酉葬於定陵天寶十三載二月改諡曰大和大聖大昭

孝皇帝

史臣曰廉士可以律貪夫賢臣不能輔辱主誠以志昏
近習心無遠圖不知創業之難唯取當年之樂孝和皇
帝越自負屣遷於房陵崎嶇瘴癘之鄉契濶幽囚之地
所以張漢陽徘徊於克復狄梁公哽咽以奏論遂得生
還庸非己力洎滌除金虎再握璿衡不能罪己以謝萬
方而更漫遊以隳八政縱豔妻之溺黨則聚梟爭衡信
妖女以撓權則彝倫失序桓敬由之覆族節愍所以興
戈竟以元首之尊不免齊眉之禍比漢晉之惠盈輩爲
尤苟非繼以命世之才則土德去也

睿宗

睿宗元貞大聖大興孝皇帝諱旦高宗第八子中宗母弟龍朔二年六月己未生於長安其年封殷王遙領冀州大都督單于大都護右金吾衛大將軍及長謙恭孝友好學工草隸尤愛文字訓詁之書乾封元年徙封豫王總章二年徙封冀王上初名旭輪至是去旭字上元二年徙封相王拜右衛大將軍儀鳳三年遷洛州牧改名旦徙封豫王嗣聖元年則天臨朝廢中宗爲廬陵王立豫王爲皇帝仍臨朝稱制及革命改國號爲周降帝爲皇嗣令依舊名輪徙居東宮其具儀一比皇太子聖歷元年中宗自房陵還帝數稱疾不朝請讓位於中宗

則天遂立中宗爲皇太子封帝爲相王又改名旦授太子右衛率長安中拜司徒右羽林衛大將軍自則天初臨朝及革命之際王室屢有變故帝每恭儉退讓竟免於禍神龍元年以誅張易之昆弟功進號安國相王遷太尉加實封其年立爲皇太弟固辭不受景龍四年夏六月中宗崩韋庶人臨朝引用其黨分握政柄忌帝望實素高潛謀危害庚子夜臨淄王隆基與太平公主子薛崇簡前朝邑尉劉幽求長上果毅麻嗣宗苑總監鍾紹京等率兵入北軍誅韋氏安樂公主及韋巨源韋溫紀處訥宗楚

客駙馬都尉武延秀

將作大匠宗晉卿

馬秦客葉靜能

司農卿

趙履溫

光祿少卿楊均等諸韋武黨與皆誅之辛丑帝挾少帝御安福門樓慰諭百姓大赦天下見繫囚徒常赦所不免者咸赦除之內外文武官三品已上賜爵一級四品已下加一階皇親三等已上加兩階四等已下及諸親賜勳三轉天下百姓免今年田租之半進封臨淄王爲平王以薛崇簡爲立節郡王鍾紹京爲中書侍郎劉幽求爲中書舍人竝參知機務加實封其餘封賞有差遣使分行諸道宣諭仍令往均州慰勞譙王王寅左千牛中郎將宋王成器爲左衛大將軍司農少卿同正員衡陽王成義爲右衛大將軍太府少卿同正員巴陵王隆範爲

左羽林衛大將軍太僕少卿同正員彭城王隆業爲右

羽林衛大將軍黃門侍郎李日知中書侍郎同中書門

下三品癸卯太白殿中兼知內外閑廐檢校龍武右軍

仍押左右廂萬騎平王隆基同中書門下三品中書侍

郎潁川郡公鍾紹京爲中書令貶汴王邕爲中書令新

行中鄴國公蕭至忠爲許州刺史兵部尙書逍遙公韋

嗣立爲宋州刺史中書侍郎趙彥昭爲絳州刺史崔湜

刺蕭韋趙特置位新書在誅吏部尙書張嘉福於懷州

其日王公百僚上表咸以國家多難宜立長君以帝衆

望所歸請卽尊位甲辰少帝詔曰自古帝王必有符命

兄弟相及存諸典禮朕以孤藐遭家艱難顧茲蒙識未
洽治途茫茫四海將何所屬累聖丕基若墜於地王室
多難義擇長君思與羣公推崇明聖叔父相王高宗之
子昔以天下讓於先帝孝友寬簡彰信兆人神龍之初
已有明旨將立太弟以爲副君爲王懇辭未行冊命所
以東宮虛位至於歷年徹綴之辰禍變倉卒然後稱制
許立沖人欽奉前懷願遵理命上申天聖之旨下遂蒼
生之心俯稽圖緯之文仰跂祖宗之烈擇今日請叔父
相王卽皇帝位朕退守本藩歸於舊邸凡百卿士敬承
朕言克贊我天人之休期光我有唐之勳業布告遐邇

咸使聞知相王上表讓曰臣以宗社事重家國情深誅
鋤巨逆奉戴嗣主今承制旨猥推宸極在臣虛薄不敢
祇膺循環震驚無任感哽制答曰皇極大寶天下至公
王者臨之蓋非獲已王先聖舊意蒼生推仰龍光紫宸
貴允繫望請遵前旨勿或推讓於是少帝遜於別宮是
日卽皇帝位御承天門樓大赦天下常赦所不免者竝
原之內外官四品已上加一階相王府官吏加兩階流
人長流長任未還者竝放還立功人王承曄已下千餘
人賜爵秩有差封少帝爲王其日景雲見乙巳中書令
鍾紹京爲戶部尙書越國公實封五百戶中書舍人劉

幽求爲尙書左丞徐國公實封五百戶竝依前知政事

新書劉幽求闕鍾
紹京罷知政事

左衛大將軍宋王成器爲太子太師

雍州牧揚州大都督加實封二百戶宮人比來取百姓

子女入宮者放還其家丙午新除太常少卿薛稷爲黃

門侍郎參知機務丁未

新書
戊申

許州刺史梁縣侯姚元之

爲兵部尙書同中書門下三品兵部尙書韋嗣立爲中

書令追削武三思武崇訓官爵戊申蕭至忠韋嗣立趙

彥昭崔湜竝停刺史

韋嗣立蕭至忠爲中書令趙彥昭
爲中書侍郎崔湜爲吏部侍郎同

中書門下
平章事

衡陽王成義封申王巴陵王隆範封岐王彭

城王隆業封薛王

新書在七
月庚戌

己酉鎮國太平公主加實

封五千戶通前一萬戶秋七月癸丑兵部侍郎

新書兼尚書

知雍州長史崔日用爲黃門侍郎參知機務

表薛稷爲中書侍郎

丙辰則天大聖皇后依舊號爲天后

新書在六月丁未

追諡雍

王賢爲章懷太子庶人重俊曰節愍太子復敬暉桓彥

範崔元暉張柬之袁恕已成王千里李多祚等官爵丁

巳河南洛陽華州竝依舊名以洛州長史宋璟爲檢校

吏部尚書同中書門下三品中書侍郎岑義爲右散騎

常侍王戌以蕭至忠爲晉州刺史韋嗣立爲許州刺史

趙彥昭爲永州刺史

張錫絳州刺史

兵部尚書姚元之兼太子

右庶子吏部尚書宋璟兼太子左庶子

表在丁巳

癸亥

新書王戌

吏部侍郎崔湜爲尚書右(表)左丞罷知政事甲子右僕射

許國公蘇瓌兵部尚書姚元之吏部尚書宋璟右散騎

常侍判刑部尚書岑羲並充使冊定陵丙寅姚元之兼

中書令丁卯蘇瓌爲尚書左僕射仍舊同中書門下三

品新書在丙寅宋國公唐休璟致仕右武衛大將軍攝右御

史大夫同中書門下三品韓國公張仁直爲右(表)左衛大

將軍戊辰新書在己巳崔日用爲雍州長史薛稷爲右(表)左散騎

常侍並停知機務特進同中書門下三品趙國公李嶠

爲懷州刺史新書在丙寅廢司田參軍己巳冊平王爲皇太

子新書在六月丁未大赦天下改元爲景雲內外官九品已上

及子爲父後者各加勳一轉自神龍以來直諫枉遭非命者咸令式墓天下州縣名目天授以來改爲武字者竝令復舊廢武氏崇恩廟其吳陵順陵竝去陵名新書在乙亥

景雲元年七月己巳制自今授左右僕射侍中中書令

六尚書已上官聽讓其餘停讓乙亥追廢皇后韋氏爲庶

人安樂公主爲悖逆庶人丁丑改太史監爲太史局隸

祕書省八月癸巳新書庚寅新除集州刺史譙王重福潛入

東都構逆州縣討平之及汴州刺史鄭愔皆伏誅先是中宗時官爵

逾濫因依妃主墨敕而授官者謂之斜封至是竝令罷

免

裴談爲蒲州刺史

癸卯改門下坊爲左春坊典春坊爲右春

坊左右羽林衛依舊爲左右羽林軍九月庚戌封皇太

子男嗣真爲許昌郡王嗣謙爲真定郡王

辛未太子少師致仕唐休

大總管以備突厥冬十月甲申新書詔孝敬皇帝神主

先祔太廟有違古義於東都別立義宗廟

乙未追號天

后丁未新書十一月姚元之爲中書令兼檢校兵部尙書

十一月己酉葬孝和皇帝於定陵辛亥新書太子太師

宋王成器爲尙書左僕射蘇瓌爲太子少傅侍中鄖國

公韋安石爲太子少保改封郇國公竝罷知政事

丁卯赦靈

駕所過戊辰新書宋王成器爲司徒兼領揚州大都督庚

年太子少傅蘇瓌薨是歲韋庶人悖逆庶人竝以禮改葬武三思父子剖棺戮尸

二年春正月丁未朔以山陵日近不受朝賀癸丑改泉州爲閩州都督改滎州爲泉州突厥默啜遣使請和親許之己未太僕卿郭元振中書侍郎張說竝同中書門下平章事甲子改封溫王重茂爲襄王遷於集州乙丑追尊皇后劉氏爲肅明皇后墓曰惠陵德妃竇氏爲昭成皇后墓曰靖陵二月丁丑令皇太子監國甲申姚元之左授申州刺史宋璟左授楚州刺史韋安石爲侍中

新書

丙戌劉幽求爲戶部尙書罷知政事戊子

新書
丙戌詔

中宗時斜封官竝許依舊庚寅復置太子左右諭德太

子左右贊善各置兩員

辛卯
禁屠

戊戌郭元振爲兵部尙書

仍依舊同中書門下平章事己亥改修文館爲昭文館

黃門侍郎李日知爲左臺御史大夫依舊同中書門下

三品夏四月庚辰張說爲兵部侍郎依舊同中書門下

平章事癸未分瀛州置鄭州詔以釋典元宗理均跡異

拯人化俗教別功齊自今每緣法事集會僧尼道士女

冠等宜齊行追集甲申韋安石爲中書令宋王成器爲

太子賓客仍依舊遙領揚州大都督丙申

新書
辛卯

李日知

爲表侍中壬寅大赦天下重福徒黨放雪京官四品已

下加一階外官賜勳一轉三品已上各賜爵一級天下
 濫度僧尼道士女冠竝依舊又令內外官依上元元年
 九品已上文武官咸帶手巾算袋武官咸帶七事鞞鞞
 竝足其腰帶一品至五品竝用金六品七品竝用銀八
 品九品竝用鍮石魚袋著紫者金裝著緋者銀裝景龍
 三年已前逋懸竝放免天下大酺五日甲辰作元五月
 庚戌復武氏昊陵順陵仍量置官屬太平公主為武攸
 暨請也庚申儀庚韋安石加開府儀同三司辛酉改西
 城公主為金仙公主昌隆新書公主公主為玉真公主
 仍置金仙玉真兩觀新書在三壬戌殿中監竇懷貞為
月丁丑

左臺御史大夫同中書門下平章事六月壬午依漢代
故事分置二十四都督府閏月初置十道按察使秋七
月新置都督府竝停唯雍洛州長史揚益荆并四大都
督府長史階爲三品八月乙卯詔以興聖寺是高祖舊
宅有柿樹天授中枯死至是重生大赦天下其謀殺劫
殺造僞頭首竝免死配流嶺南官典受贓者特從放免
天下大酺三日丁巳皇太子釋奠於太學己巳新書
安石爲尚書左僕射同中書門下三品兼太子賓客禮
部尚書竇希玠爲太子少傅庚午改左右屯衛爲左右
威衛左右宗衛率府爲左右司禦府渾儀監爲太史監
庚午韋

九月丁卯

新書乙亥案是月無丁卯誤通鑑註曰舊寶

紀作己卯則又不知何時傳寫為丁卯也

寶

懷貞為

表

侍中冬十月甲辰吏部尚書劉幽求為侍中

右散騎常侍魏知古同中書門下三品太子詹事崔暹

為中書侍郎同中書門下三品中書侍郎陸象先同中

書門下平章事韋安石為尚書左僕射東都留守

表罷

進 侍中李日知為戶部尚書兵部尚書郭元振為吏部

尚書侍中兼檢校左臺御史大夫竇懷貞為左臺御史

大夫兵部侍郎兼左庶子張說為尚書左丞罷知政事

十一月戊寅改太史監為太史局依舊隸祕書省改王

師為傅

十二月丁未作潑寒胡戲

三年

先天元年

春正月辛未朔親謁太廟癸酉上始釋慘服

御正殿受朝賀甲戌并汾絳三州地震壞人廬舍辛巳

南郊戊子躬耕籍田己丑大赦天下改元爲太極內外

官四品已下加一階三品已上加爵一級孔宣父祠廟

本州取側近三十戶以供灑掃天下大酺五日特賜老

人九十已上緋衫牙笏八十已上綠衫木笏

辛卯幸安福門觀酺

三日夜壬辰陸象先

同中書門下三品乙未戶部尙書岑羲左臺御史大

夫竇懷貞竝同中書門下三品二月丁酉祕書增少監

一員光祿大理鴻臚太府衛尉宗正各增置少卿士員

少府監將作監增置少監一員國子監增置司業六員

左右臺各增置中丞一員雍洛二州并益荆揚四大都督府各增置司馬一員仍分爲左右司馬丁巳皇太子釋奠於國學追贈顏回爲太子太師曾參爲太子少保每年春秋釋奠以四科弟子曾參從祀列於七十二賢之上辛酉廢右御史臺官員己巳頒新格式於天下

是春

早夏四月辛丑制曰朕聞措刑由於用刑去殺存乎必殺明罰峻典自古而然立制齊人於是乎在自我朝建國僅將百年天下和平其來已久往承隋季守法頗專比襲時安持綱日緩况朕薄德甚莫逮先惟人難理遠不如昔粵從守位三載於茲庶務煩勞不損晷影嘗謂

自我作則感而成化痛乎迷俗忘返不威罔懲將至純風先歸重典比者贓賄不息渝濫公行放心未寧禁犯無懼此焉暫革期於承平遂割小慈以崇大體自今已後造僞頭首者斬仍沒一房資財同用蔭者竝停奪非頸首者絞其承前造僞人限十日內首使盡官典主司枉法受贓一匹已上先決杖一百其緣贓及惡狀被解及與替者非選時不得輒入京城縱家貫在京不得輒至朝堂妄有披訴如有此色竝決杖仍加貶斥其先在京城者限三日內勒還上下官僚輒緣私情相囑者其受囑人宜封狀奏聞成器已下朕自決罰其餘玉公已

下竝解見任官三五年間不須齒錄其進狀人別加褒賞御史宜令分察諸司五月戊寅親祀北郊辛巳大赦

天下改元爲延和桓彥範敬暉崔元暉張柬之袁恕已

等特還其子孫實封二百戶天下大酺五日六月癸丑

戶部尙書岑羲爲侍中乙卯追尊則天皇后曰天后聖

帝庚申

新書甲子

幽州都督孫儉

新書作倅

率左驍衛將軍李楷

洛左威衛將軍周以悌等將兵三萬與奚首領李大酺

戰於礪山

冷陁山

爲賊所敗儉沒於陣

辛酉刑部尙書郭元振爲朔方道行

軍大總管以伐突厥

王戌魏知古爲戶部尙書仍依舊同中書門

下三品秋七月庚午竇懷貞爲尙書右僕射平章軍國

重事

新書乙亥○辛未有彗星入於太微兵部尚書李迥秀爲朔方道後軍大總管

己卯上觀

樂於安福門以燭繼晝經日乃止

新書三日而止丙戌以旱減膳

○八

月庚子帝傳位於皇太子自稱太上皇帝五日一度受朝於太極殿自稱曰朕三品已上除授及大刑獄並自

決之其處分事稱詔令皇帝每日受朝於武德殿自稱

曰子三品已下除授及重罪並令決之其處分事稱制

敕

王寅追號天后聖帝爲聖后

甲辰大赦天下改元爲先天戊申皇

帝子許昌王嗣真改封鄴王眞定王嗣謙爲郢王己酉

以宋王成器爲司徒依舊遙領揚州大都督庚戌竇懷

貞爲

表

尚書左僕射同中書門下三品仍兼御史大夫

劉幽求為守新書尚書左僕射依舊同中書門下三品魏

知古為表守侍中崔湜為新書中書令竝監修國史丁巳

新書立皇帝妃王氏為皇后癸亥新書劉幽求配流封

州九月丁卯朔日有食之甲申新書封皇帝子嗣昇為

陝王冬十月庚子皇帝親謁太廟禮畢御延喜門大赦

天下壬寅祔昭成皇后肅明皇后神主於儀坤廟癸卯

皇帝幸新豐之溫湯校獵於渭川十一月丁亥詔遣皇

督未璟為左軍大總管并州長史薛訥為中十二月丁

未詔禁人屠殺犬雞戊午改箕州為儀州

二年春正月敕河北諸州團結兵馬皆令本州刺史押

掌乙亥吏部尚書兼太子右諭德鄴國公蕭至忠爲中

書令上元日夜上皇御安福門觀燈出內人連袂踏歌

縱百僚觀之一夜方罷二月丙申改隆州爲閬州始州

爲劍州分冀州置深州初有僧婆陀請夜開門然燈百

千炬三日三夜皇帝御延喜門觀燈縱樂凡三日夜左

拾遺嚴挺之上疏諫之乃止三月辛卯皇后祀先蠶癸

巳制敕表狀書奏牋牒年月等數作一三三十四十字

夏六月

辛丑以雨霖
避正殿減膳

丙辰兵部尚書朔方道行軍大總

管郭元振加同中書門下三品秋七月甲子太平公主

與僕射竇懷貞侍中岑羲中書令蕭至忠左羽林大將

軍常元楷等謀逆事覺皇帝率兵誅之窮其黨與太子少保薛稷左散騎常侍賈膺福右羽林將軍李慈李欽中書舍人李猷中書令崔湜尚書左丞盧藏用太史令傅孝忠僧惠範等皆誅之兵部尚書郭元振從上御承天門樓大赦天下自大辟罪已下無輕重咸赦除之翼日太上皇詔曰朕將高居無爲自今後軍國刑政一事已上竝取皇帝處分開元四年夏六月甲子太上皇帝崩於百福殿時年五十五秋七月己亥上尊諡曰大聖貞皇帝廟曰睿宗冬十月庚午葬於橋陵天寶十三載二月改諡曰元貞大聖大興孝皇帝

史臣曰法不一則姦偽起政不一則朋黨生上既啓其
泉源下胡息於奔競觀夫天后之時雲委於二張之第
孝和之世波注於三王之門獻奇則除設盈庭納賄則
斜封滿路咸以進趨相軋姦利是圖如火投泉安得無
敗洎景雲繼統汙俗廓清然猶投杼於乘輿之間抵掌
於太平之日以至書頻告變上不自安宮臣致禦魅之
科天子嗛巡邊之詔彼旣彎弓而射我我則號泣以行
刑此雖鎮國之尤亦是臨軒之失夫君人孝愛錫之以
典刑納之於軌物俾上無僭偪下絕覬覦自然治道惟
新亂階不作孝和旣已失之元貞亦未爲得

唐書卷第七
贊曰孝和元貞皆肖先人率情背禮取樂於身夷途不履覆轍攸遵扶持聖嗣賴有賢臣

唐書卷第七

唐書卷第八

紀八

元宗上

元宗至道大聖大明孝皇帝諱隆基睿宗第三子也母
曰昭成順聖皇后竇氏垂拱元年秋八月戊寅生於東
都性英斷多藝尤知音律善八分書儀範偉麗有非常
之表三年閏正月丁卯封楚王天授三年十月戊戌出
閣開府置官屬年始七歲朔望車騎至朝堂金吾將軍
武懿宗忌上嚴整訶排儀仗因欲折之上叱之曰吾家
朝堂干汝何事敢迫吾騎從則天聞而特加寵異之尋
却入閣長壽二年臘月丁卯改封臨淄郡王聖曆元年

出閣賜第於東都積善坊大足元年從幸西京賜宅於興慶坊長安中歷右衛郎將尙輦奉御神龍元年遷衛尉少卿景龍二年四月兼潞州別駕十二月加銀青光祿大夫州境有黃龍白日昇天嘗出畋有紫雲在其上後從者望而得之前後符瑞凡一十九事四年中宗將祀南郊來朝京師將行使術士韓禮筮之著一莖孑然獨立禮驚曰著立奇瑞非常也不可言屬中宗末年王室多故上常陰引材力之士以自助上所居宅外有水池浸溢頃餘望氣者以爲龍氣四年四月中宗幸其第因遊其池結綵爲樓船令巨象踏之至六月中宗暴崩

韋后臨朝稱制韋溫宗楚客紀處訥等謀傾宗社以睿宗介弟之重先謀不利道士馮道力處士劉承祖皆善於占兆詣上布誠款上所居里名隆慶時人語訛以隆爲龍韋庶人稱制改元又爲唐隆皆符御名上益自負乃與太平公主謀之公主喜以子崇簡從上乃與崇簡

尙衣奉御王崇簡公
主府典籤王師虔

朝邑尉劉幽求長上折衝麻嗣宗

押萬騎果毅葛福順李仙舟寶昌寺僧普潤

道士馮
處澄

等

定策誅之或曰先啓大王上曰我拯社稷之危赴君父之急事成福歸於宗社不成身死於忠孝安可先請憂怖大王乎若請而從是王與危事請而不從則吾計失

矣遂以庚子夜率幽求等數十人自苑南入總監鍾紹京又率丁匠百餘以從分遣萬騎往元武門殺羽林將

軍韋播

中郎將

高嵩持首而至衆歡叫大集攻白獸元武

等門斬關而進左萬騎自左入右萬騎自右入合於凌煙閣前時太極殿前有宿衛梓宮萬騎聞譟聲皆披甲應之韋庶人惶惑走入飛騎營爲亂兵所害於是分遣誅韋氏之黨比明內外討捕皆斬之乃馳謁睿宗謝不先啓請之罪睿宗遽前抱上而泣曰宗社禍難由汝安定神祇萬姓賴汝之力也拜殿中監同中書門下三品兼押左右萬騎進封平王睿宗卽位與侍臣議立皇太

子僉曰除天下之禍者享天下之福拯天下之危者受天下之安平王有聖德定天下又聞成器已下咸有推讓宜膺主鬯以副羣心睿宗從之丙午制曰舜去四凶而功格天地武有七德而戡定黎人故知有大勳者必受神明之福仗高義者必爲七鬯之主朕恭臨寶位享育寰區以萬物之心爲心以兆人之命爲命雖承繼之道咸以豕嫡居尊而無私之懷必推功業爲首然後可保安社稷永奉宗祧第三子平王基孝而克忠義而能勇比以朕居藩邸虔守國彝貴戚中人都無引接羣邪害正兇黨實繁利口巧言讒說罔極韋溫延秀朋黨競

起晉卿楚客交構其間潛結回邪排擠端善潛貯兵甲
將害朕躬基密聞其期先難奮發推身鞠弭衆應如歸
呼吸之間凶渠殄滅安七廟於幾墜拯羣臣於將殞方
舜之功過四比武之德逾七靈祇望在昆弟樂推一人
元良萬邦以定爲副君者非此而誰可立爲皇太子有
司擇日備禮冊命七月己巳睿宗御承天門皇太子詣
朝堂受冊是日有景雲之瑞改元爲景雲大赦天下二
年又制曰惟天生烝人牧以元后維皇立國副以儲君
將以保綏家邦安固後嗣者也朕纂承洪業欽奉寶圖
夜分不寢日昃忘倦茫茫四海懼一人之未周烝烝萬

姓恐一物之失所雖卿士竭誠守宰宣化緬懷庶域仍未小康是以求下人之變風遵先朝之故事皇太子基仁孝因心溫恭成德深達禮體能辨皇猷宜令監國俾爾爲政其六品已下除授及徒罪已下竝取基處分延和元年六月兇黨因術人聞睿宗曰據元象帝座及前星有災皇太子合作天子不合更居東宮矣睿宗曰傳德避災吾意決矣七月壬午制曰朕以寡昧虔奉鴻休本殊王季之賢早達延陵之節昔在聖厯已讓皇嗣之尊爰暨神龍終辭太弟之授豈唯衣冠所覩抑亦兆庶咸知頃屬國步不夷時艱主幼大業有綴旒之懼寶位

深墜地之憂議迫公卿遂司契篆日慎一日以至于今
一紀之勞勤亦至矣萬方之俗化漸行矣將成宿願脫
屣寰區昔堯之禪舜唯能是與禹以命啓匪私其親神
器之重允歸公授皇太子基有大功於天地定阨危於
社稷溫文旣習聖敬克躋委之監國已移歲年時政益
明庶工惟序朕之知子庶不負時厯數在躬宜陟元后
可令卽皇帝位有司擇日授冊朕方比迹洪古希風太
皇神與化遊思與道合無爲無事豈不美歟王公百僚
宜識朕意上意惶懼馳見叩頭請所以傳位之旨睿宗
曰吾因汝功業得宗社今帝座有青思欲遜避唯聖德

大勳始轉禍爲福易位於汝吾知晚矣上始居武德殿

視事三品已下除授及徒罪皆自決之先天二年

開元元年

正月辛巳皇后親蠶

七月三日

甲子

尚書左僕射竇懷貞侍中岑羲

中書令蕭至忠崔湜雍州長史李晉左羽林大將軍常

元楷右羽林將軍李慈等與太平公主同謀期以其月

四日以羽林軍作亂上密知之因以中旨告岐王範薛

王業兵部尚書郭元振將軍王毛仲取閑廐馬及家人

三百餘人率太僕少卿李令問王守一內侍高力士果

毅李守德等親信十數人出武德殿入虔化門梟常元

楷李慈於北闕擒賈膺福李猷於內客省以出執蕭至

忠岑義於朝皆斬之睿宗明日下詔曰朕將高居無爲自今軍國政刑一事已上竝取皇帝處分

乙丑始聽政

上御

承天門樓下制曰朕承累聖之洪休荷重光之積慶昔因多難內屬構屯寶位深墜地之憂神器有綴旒之懼事殷家國義感神祇吟嘯風雲龔行雷電致君親於堯舜濟黔首於休和遂以孟秋允昇儲貳旋承內禪繼體宸居拜首之請空勤讓立之誠莫展恭臨億兆二載于茲上稟聖謨下凝庶績八荒同軌瀛海無波不謂姦慝潛謀蕭牆竊發逆賊竇懷貞等竝以庸妄權齒朝廷毫髮之效未申邱山之釁仍積其成梟獍將肆姦回太上

皇聖斷宏通英謀獨運命朕率岐王範薛王業等躬事
 誅鋤齊斧一麾兇渠盡殪太陽朗耀澄氛靄於天衢高
 風順時厲肅殺於秋序神靈協贊夷夏相歡四族之慝
 既清七日之祥方永爰承後命載闡休期總軍國之大
 猷施雲雨之鴻澤承乾之道既光被於無垠作解之恩
 思式覃於品物當與億兆同此惟新可大赦天下大辟
 罪已下咸赦除之加邠王守禮實封三百戶宋王成器
 申王成義各加實封一千戶岐王範薛王業各加實封
 七百戶文武官三品已上賜爵一級四品已下各加一
 階內外官人被諸道按察使及御史所摘伏咸宜洗滌

選日依次敘用丁卯

新書庚午

崔湜盧藏用除名長流嶺表

流崔湜於竇州

壬申王琚爲銀青光祿大夫工部尙書封趙國

公實封三百戶姜皎銀青光祿大夫工部尙書封楚國

公實封五百戶李令問銀青光祿大夫殿中監

案李靖傳令問

封宋國公此屬闕文

實封三百戶王毛仲輔國大將軍左武衛大

將軍檢校內外閑廐兼知監牧使霍國公實封五百戶

王守一銀青光祿大夫太常卿同正員進封晉國公實

封五百戶竝賞其定策功琚皎令問固讓癸酉中書侍

郎陸象先爲益州大都督府長史兼劔南道按察兵馬

使

新書在庚辰
尙書左

新書右

丞張說爲檢校中書令

新書在乙亥

甲戌令毀天樞取其銅鐵充軍國雜用庚辰王珣爲中書侍郎加實封二百戶姜皎殿中監仍充內外閑廐使加實封二百戶李令問殿中少監知尙食事加實封二百戶己丑周孝明高皇帝依舊追贈太原王宜去帝號孝明皇后宜稱太原王妃昊陵順陵竝稱太原王及妃墓八月壬辰新書封州流人劉幽求爲尙書左新書僕

癸巳

右

射知軍國重事徐國公仍依舊實封七百戶制曰凡有刑人國家常法掩骼埋胔王者用心自今已後輒有屠割刑人骨肉者依法科殘害之罪壬寅司空兼揚州大都督宋王成器爲太尉兼揚州大都督益州大都督兼

右金吾大將軍申王成義爲司徒兼益州大都督單于

大都護兼左金吾大將軍邠王守禮爲司空癸丑封華

嶽神爲金天王九月丁卯新書宋王成器爲開府儀同

三司

庚午

尙書左僕射劉幽求同中書門下三品檢校中

書令燕國公張說爲中書令特進王仁皎爲開府儀同

三司已卯宴王公百僚於承天門令左右於樓下撒金

錢許中書門下五品已上官及諸司三品已上官爭拾

之仍賜物有差郭元振兼御史大夫丙戌又置右御史

臺冬十月

姚嵩蠻寇姚州都督李蒙死之

甲申

新書已亥案是月無甲申當從新書幸新

豐之溫湯癸卯講武於驪山兵部尙書代國公郭元振

坐虧失軍容配流新州給事中攝太常少卿唐紹以軍禮有失斬於纛下甲辰畋獵於渭川同州刺史梁國公姚元之爲兵部尚書同中書門下三品乙巳至自溫湯十一月乙丑劉幽求兼知侍中戊子上加尊號爲開元神武皇帝十二月庚寅朔大赦天下改元爲開元內外官賜勳一轉改尚書左右僕射爲左右丞相中書省爲紫微省門下省爲黃門省侍中爲監雍州爲京兆府洛州爲河南府長史爲少尹國初以來宰相及食寶封功臣子孫一應沈翳未承恩者令量才擢用甲午吐番請和己亥

禁斷潑寒胡戲

壬寅姚崇兼紫微令

癸丑尚書左丞相兼黃門監

劉幽求爲太子少保

表少師

罷知政事紫微令張說爲相

州刺史甲寅黃門侍郎盧懷慎同紫微黃門平章事

二年春正月關中自去秋至于是月不雨人多饑乏遣

使賑給

壬午

制求直諫言宏益政理者名山大川竝令祈

祭

停不急之務寬繫囚葬暴骸

丙寅紫微令姚崇上言請檢責天下

僧尼以僞濫還俗者二萬餘人甲申并州大都督府長

史

新書并州節度大使

兼檢校左衛大將軍

表和我大武諸軍節度使

薛訥同

紫微黃門三品仍總兵以討奚契丹二月

壬辰避正殿減膳徹樂

突厥默啜遣其子同俄特勒率衆寇北庭都護府右驍

衛將軍郭虔瓘擊敗之斬同俄於城下己酉以旱親錄

囚徒改太史監罷隸祕書省閏月癸亥令道士女冠僧
尼致拜父母丁卯復置十道按察使己未突厥默啜妹
婿火拔頡利發石失畢與其妻來奔封燕山郡王授左
衛員外大將軍紫微侍郎趙國公王琚左授澤州刺史
賜實封一百戶餘竝停丁亥劉幽求爲睦州刺史三月
己亥磧西節度使阿史那獻執西突厥都擔甲辰青州刺史郇國公韋安石
爲沔州別駕太子賓客逍遙公韋嗣立爲岳州別駕特
進致仕李嶠先隨子在袁州又貶滁州別駕竝員外置
去年九月有詔毀天樞至今春始畢夏四月辛未停諸陵進奉鷹犬

五月辛亥黃門監魏知古爲工部尙書罷知政事六月

京師大
風拔木

丁巳開府儀同三司宋王成器爲岐州刺史
徒申王成義爲幽州刺史司空邠王守禮爲虢州刺史
委務於上佐內出珠玉錦繡等服玩令於正殿前焚之

新書在七月乙未

○甲子以太上皇避暑徙御大明宮

乙丑兵部尙書致仕韓國

公張仁愿卒秋七月

戊戌禁采珠玉及爲刻鏤器玩珠繩帖緋服者廢織錦坊

庚子

薛訥與副將杜賓客崔宣道等總兵六萬自檀州道遇
賊於灤河爲賊所敗訥等屏甲遁歸減死除名爲庶人
丙午昭文館學士柳沖太子左庶子劉子元刊定姓族
系錄二百卷上之丁未光祿卿竇希城爲太子太傅房
州刺史襄王重茂薨於梁州諡曰殤帝以興慶宮

下文闕

諸王傳竝停京官所帶跨巾算袋每朝參日著外官衙

日著餘日停吐蕃寇臨洮軍又遊寇蘭州渭州掠羣牧

起薛訥攝左羽林將軍隴右防禦使率杜賓客郭知運

王峻安思順以禦之新書在八月乙亥太常卿岐王範爲華州

刺史祕書監薛王業爲同州刺史八月戊午西天竺國

遣使獻方物壬戌禁女樂九月庚寅作興慶宮丁酉宴京師侍老于含元殿庭賜九十以

上几杖八十以上鳩杖戊申幸新豐之溫泉甲寅制曰婦人亦如之賜於其家

自古帝王皆以厚葬爲誠以其無益亡者有損生業故

也近代以來其行奢靡遞相倣倣浸成風俗旣竭家產

多至凋弊然則魂魄歸天明精誠之已遠卜宅於地蓋

思慕之所存古者不封未爲非達且墓爲貞宅自便有
 房今乃別造田園名爲下帳又冥器等物皆競驕侈失
 禮違令殊非所宜戮屍暴骸實由於此承前雖有約束
 所司曾不申明喪葬之家無所依準宜令所司據品令
 高下明爲節制冥器等物仍定色數及長短大小園宅
 下帳竝宜禁絕墳墓塋域務遵簡儉凡諸送終之具竝
 不得以金銀爲飾如有違者先決杖一百州縣長官不
 能舉察竝貶授遠官冬十月戊午至自溫泉甲子薛訥破
 吐蕃於渭州西界武階驛斬首一萬七十級馬七萬七
 匹牛羊四萬頭豐安軍使郎將判將軍王海賓先鋒力

戰死之十一月庚寅葬殤帝於武功西原十二月乙丑封皇子嗣真爲鄆王嗣初爲鄂王嗣元爲鄆王時右威衛中郎將周慶立爲安南使舳使與波斯僧廣造奇巧將以進內監選使殿中侍御史柳澤上書諫上嘉納之三年春正月丁亥立鄆王嗣謙爲皇太子降死罪已下大酺三日癸卯黃門侍郎盧懷慎爲檢校黃門監甲辰工部尚書魏知古卒二月禁斷天下採捕鯉魚十姓部落左廂五咄六啜右廂弩五失畢五俟斤及高麗王莫離支高文簡都督跌跌思太等各率其衆自突厥相繼來奔前後總二千餘帳析許州唐州置仙州辛酉赦囚非惡逆造

僞夏四月岐王範兼虢州刺史薛王業兼幽州刺史

庚申

首突厥部三姓葛邏祿來附右羽林軍大將軍薛訥為源

州鎮軍大總管涼州都督楊執一副之右衛大將軍郭

虔璿為朔州鎮軍大總管并州長史王峻副之以備

突厥五月丁未以旱錄京師囚戊申避正殿減膳

月山東諸州大蝗飛則蔽景下則食苗稼聲如風雨紫

微令姚崇奏請差御史下諸道促官吏遣人驅撲焚瘞

以救秋稼從之是歲田收有獲人不甚饑秋七月

庚辰朔日

有食之刑部尚書李日知卒冬十月甲寅制曰朕聽政之

暇常覽史籍事關理道實所畱心中有關疑時須質問

宜選耆儒博學一人每日入內侍讀以光祿卿馬懷素

左散騎常侍褚无量竝充侍讀

辛酉雋州蠻寇邊右驍衛將軍李元道伐之壬

左散騎常侍褚无量竝充侍讀

辛酉雋州蠻寇邊右驍衛將軍李元道伐之壬

戊薛訥爲朔方道行軍大總管太僕卿呂延祚靈州刺史杜賓客副之癸亥如郿赦所過徒罪以下賜侍老九十以上及篤疾者物甲子幸郿縣之鳳泉湯戊辰降大十一月已

卯至自鳳泉湯乙酉幸新豐之溫湯丁亥妖賊崔子高

等入相州作亂戊子州司討平之甲午至自溫湯乙未

衣長髮會十二月乙丑降鳳泉湯庚午以軍器使爲軍器監

置官員是冬無雪

四年春正月戊寅朝太上皇於西宮癸未尙衣奉御長孫昕恃以

皇后妹壻與其妹夫楊仙玉毆擊御史大夫李傑上令

朝堂斬昕以謝百官以陽和之月不可行刑累表陳請

乃命杖殺之丁亥宋王成器申王成義以成字犯昭成

皇太后諡號於是成器改名憲成義改爲摠刑部尙書中

山郡公李乂卒

表丙申盧懷慎檢校吏部尙書兼黃門監

二月丙辰幸新豐

之溫湯

辛酉吐蕃寇松州廓州刺史蓋思貴伐之

丁卯至自溫湯

癸酉松州都督孫仁

獻及吐蕃戰敗之

以關中旱遣使祈雨於驪山應時澍雨令以

少牢致祭仍禁斷樵採夏六月庚寅

案是月無庚寅正月疑戊寅朔則此

或是庚申

月蝕旣癸亥

新書甲子

太上皇崩於百福殿辛未京師

華陝二州大風拔木癸酉突厥可汗默啜爲九姓拔曳

固所殺

大武軍子將郝靈佺殺突厥默啜

斬其首送於京師默啜兄子

小殺繼立爲可汗是夏山東河南河北蝗蟲大起遣使

分捕而瘞之回紇同羅靺鞨拔曳固僕固五部落來附於

大武軍北安置秋七月丁丑吐蕃請和丙申分雋雅二州置黎

州丁酉洛水溢八月辛未奚契丹降冬十月癸丑戶部尙書新除太子

詹事畢構卒庚午葬睿宗大聖貞皇帝於橋陵以同州

蒲城縣爲奉先縣隸京兆府十一月己卯盧懷慎罷去官養疾丁

亥徙中宗神主於西廟甲午丙申尙書左丞源乾曜爲

黃門侍郎同紫微黃門平章事辛丑黃門監兼吏部尙

書盧懷慎卒十二月乙卯幸新豐之溫湯其夜定陵寢

殿災新書五行志在五年十一月乙卯乙丑至自溫湯閏月己亥尙書刑部尙書

廣平郡公宋璟爲吏部尙書兼黃門監紫微侍郎許國

公蘇頲同紫微黃門平章事兵部尙書監紫微令梁國

公姚崇爲開府儀同三司黃門侍郎安陽縣男源乾曜
守京兆尹竝罷知政事停十道採訪使

五年春正月壬寅朔上以喪制不受朝賀癸卯寅時太
廟屋壞移神主於太極殿上素服避正殿輟朝五日日
躬親祭享

己酉享於太極殿

辛亥幸東都戊辰昏霧四塞二月

甲戌至東都大赦天下唯謀反大逆不在赦限餘竝宥
之河南百姓給復一年河南河北遭澇及蝗蟲處無出
今年地租武德貞觀以來勳臣子孫無位者訪求其後
奏聞有嘉遯幽棲養高不仕者州牧各以名薦三月庚
戌於柳城依舊置營州都督府丁巳以辛景初女封爲

固安縣主妻於奚首領饒樂郡王大酺

丙寅吐蕃請和

夏四月

己丑皇帝第九子嗣一薨追封夏王謚曰悼甲午

新書甲申

以則天拜洛受圖壇及碑文并顯聖侯廟初因唐同泰

偽造瑞石文所建令卽廢毀

五月丙辰詔公侯子孫襲封

六月壬午

新書五行志甲申

鞏縣暴雨連月山水汎濫毀郭邑廬舍七百

餘家人死者七十二汜水同日漂壞近河百姓二百餘

家秋七月

壬寅隴右節度使郭知運及吐蕃戰敗之

甲子詔曰古者操皇綱

執大象者何嘗不上稽天道下順人極或變通以隨時

爰損益以成務且衢室創制度堂以筵因之以禮神是

光孝德用之以布政蓋稱視朝先王所以厚人倫感天

地者也少陽有位上帝斯歆此則神貴於不黷禮殷於至敬今之明堂俯鄰宮掖比之嚴祀有異肅恭苟非憲章將何軌物由是禮官博士公卿大臣廣參羣議欽若前古宜存露寢之式用罷辟雍之號可改爲乾元殿每臨御依正殿禮九月壬寅改紫微省依舊爲中書省黃門省爲門下省黃門監爲侍中冬十月丙子京師修太廟成丁丑詔以故越王貞死非其罪封故許王男琳爲嗣越王以繼其後戊寅祔神主於太廟甲申命史官月奏所行事十一月己亥契丹首領松漠郡王李失活來朝以宗女爲永樂公主以妻之司徒兼鄧州刺史申王撝兼虢州刺

史

六年春正月丙辰朔

案是月朔非丙辰當是丙申

以未經大祥不受

朝賀

辛丑突厥請和

辛酉禁斷天下諸州惡錢行二銖四分已

上好錢不堪用者並卽銷破覆鑄將作大匠韋湊上疏

請遷孝敬神主別立義宗廟以太子少師兼許州刺史

岐王範兼鄭州刺史二月甲戌禮幣徵嵩山隱士盧鴻

一

壬辰朔方道行軍大總管王峻伐突厥

夏五月乙未孝敬哀皇后祔於

恭陵契丹松漠郡王李失活卒六月甲申澶水暴漲壞

人廬舍溺殺千餘人乙酉制以故侍中桓彥範敬暉故

中書令兼吏部尚書張柬之故特進崔元暉故中書令

袁恕已配饗中宗廟庭故司空蘇瓌故左丞相太子少

保郴州刺史劉幽求配饗睿宗廟庭秋七月己未祕書

監馬懷素卒

八月庚辰以旱慮囚

九月乙未遣工部尚書劉知柔

持節往河南道存問冬十月丙寅車駕還京師十一月

辛卯至自東都丙申親謁太廟迴御承天門詔七廟元

皇帝已上二祖枝孫有失官序者各與一人五品京官

皇祖妣家子孫在選者甄擇之免知頓及旁州供承者一歲租稅內外官三品已上有

廟者各賜物三十匹以備修祭服及俎豆賜文武官有

差乙巳傳國八璽依舊改稱寶符璽郎爲符寶郎

是月突厥

執單于副都護張知運

十二月以開府儀同三司兼澤州刺史宋

王憲爲涇州刺史司徒兼虢州刺史申王撝爲絳州刺
史太子少師兼鄭州刺史岐王範爲岐州刺史太子少
保兼衛州刺史薛王業爲虢州刺史

七年春正月吐蕃遣使朝貢三月丁酉左武衛大將軍

霍國公王毛仲加特進渤海靺鞨郡王大祚榮死其子

武藝嗣位夏四月癸酉開府儀同三司王仁皎薨五月

己丑朔日有食之素服徹樂減膳中書門下秋七月丙

辰制以亢陽日久上親錄囚徒多所原免諸州委州牧

縣宰量事處置閏月辛巳以早避正殿八月丙戌癸丑

敕周公制禮歷代不刊子夏爲傳孔門所受逮及諸家

或變例

句闕一字

與其改作不如好古諸服紀宜一依舊文

九月甲子改昭文館依舊爲宏文館

甲戌

宋王憲徙封寧

王冬十月於東都來庭縣解置義宗廟辛卯幸新豐之

溫湯癸卯至自溫湯戊寅

新書乙亥

皇太子詣國學行齒胄

禮陪位官及學生賜物有差十二月丙戌置宏文崇文

兩館讐校書郎官員

八年春正月甲子朔

案七年五月己丑朔是年有閏則八年正月之朔當是甲寅非甲子

也皇太子加元服乙丑皇太子謁太廟丙寅會百官於

太極殿賜物有差壬申右散騎常侍舒國公褚无量卒

己卯

新書辛巳

侍中宋璟爲開府儀同三司中書侍郎蘇頌

爲禮部尙書竝罷知政事京兆尹源乾曜爲黃門侍郎

并州大都督府長史張嘉貞爲中書侍郎竝同中書

門下平章事二月丁酉新書皇子敏薨追封懷王諡曰

哀三月甲子免水旱州逋負夏五月丁卯源乾曜爲侍

中張嘉貞爲中書令南天竺國遣使獻五色鸚鵡六月

壬寅新書庚寅東都暴雨穀水汎漲新安澗池河南壽安鞏

縣等廬舍蕩盡共九百六十一戶溺死者八百一十五

人許衛等州掌閑番兵溺者千一百四十八人秋九月

突厥欲谷寇甘源等州涼州都督楊敬述爲所敗掠契

苾部落而歸丙寅降京城囚罪杖以下原之王申契丹寇邊以御史大夫王峻

爲兵部尙書兼幽州都督

節度河北
諸軍大使

黃門侍郎韋抗爲

御史大夫朔方總管以禦之甲子太子少師兼岐州刺

史岐王範兼太子太傅太子少保兼虢州刺史薛王業

爲太子太保餘竝如故

甲戌中書
門下慮囚

冬十月辛巳幸長春

宮壬午畋於下邳

庚寅幸
溫湯

十一月乙丑

新書
乙卯

至自長春

宮辛未突厥寇涼州殺人掠羊馬數萬計而去

九年春正月

括田

丙辰改蒲州爲河中府置中都丙寅幸

新豐之溫湯

乙亥至自溫湯二月丙戌突厥請
和丁亥免天下七年以前逋負

夏四月

庚寅蘭池州叛胡顯首僞稱葉護康待賓安慕容爲多
覽殺大將軍何黑奴僞將軍石神奴康鐵頭得蒙貢泉

縣句疑有
誘闕

攻陷六胡州兵部尙書王峻發隴右諸軍及

河東九姓掩討之甲戌

案是月
無甲戌

上親策試應制舉人於

含元殿謂曰古有三道今減二策近無科甲朕將存其

上第務收賢俊用寧軍國仍令有司設食

五月庚午原
見囚死流罪

隨軍效力徒
以下未發者

秋七月戊申罷中都依舊爲蒲州己酉王

峻破蘭池州叛胡殺三萬五千騎

執康
待賓

丙辰揚潤等州

暴風發屋拔樹漂損公私船舫一千餘隻辛酉討諸酋

長斬康待賓先天中重修三九射禮至是給事中許景

先抗疏罷之

八月蘭池胡
康願子寇邊

九月乙巳朔日有食之丁未

開府儀同三司梁國公姚崇薨丁巳御丹鳳樓宴突厥

首領庚申幸中書省癸亥右羽林將軍權檢校并州大

都督府長史

新書天兵軍節度大使

燕國公張說爲

張守

兵部尙書

同中書門下三品冬十一月丙辰左散騎常侍元行沖

上羣書目錄二百卷藏之內府庚午冬至大赦天下內

外官九品已上加一階三品已上加爵一等自六月二

十日七月三日匡衛社稷食實封功臣坐事削除官爵

中間有生有死竝量加收贈致仕官合佩魚者聽其終

身賜醕三日十二月乙酉幸新豐之溫湯壬辰至自溫

湯是冬無雪

十年春正月丁巳幸東都甲子省王公已下視品宮參

佐及京三品已上官伏身職員乙丑停天下公廨錢其

官人料以稅戶錢充每月準舊分例數給戊申

戊申字有誤

內外官職田除公廨田園外竝官收給還逃戶及貧下

戶欠丁田二月

丁丑次望春頓賜從官帛

戊寅至東都三月戊申詔

自今內外官有犯職至解免已上縱逢赦免竝終身勿

齒夏四月丁酉封契丹首領松漠都督李鬱千爲松漠

郡王奚首領饒樂都督李魯蘇爲饒樂郡王

己亥張說持節朔方

軍節度大使五月

戊午突厥請和

辛酉東都大雨伊汝等水汎漲漂

壞河南府及許汝仙陳等州廬舍數千家溺死者甚衆

閏月壬申兵部尚書張說往朔方軍巡邊戊寅敕諸蕃

充質宿衛子弟竝放還國六月辛丑上訓註孝經頒於

天下癸卯以餘姚縣主女慕容氏爲燕郡公主出降奚

首領饒樂郡王李魯蘇己巳增置京師太廟爲九室移

孝和皇帝神主以就正廟秋七月庚辰給復遭水州八月丙戌八

月無丙戌丁亥丙申不應皆誤疑八月或當是七月新書丙戌在七月嶺南按察使裴佖

先上言安南賊帥梅叔鸞楊忠昂傳作梅元成等攻圍州縣遣驃

騎將軍兼內侍楊思勗討之新書叔鸞伏誅丁亥遣戶部尙書

陸象先往汝許等州存撫賑給丙申博棣等州黃河隄

破漂損田稼新書在六月丁巳九月張說擒康願子於木盤山

詔移河曲六州殘胡五萬餘口於許汝唐鄧仙豫等州

始空河南朔方千里之地甲戌祕書監楚國公姜皎坐
事詔杖之六十配流欽州死於路都水使者劉承祖配
流雷州乙亥制曰朕君臨宇內子育黎元內修睦親以
敘九族外協庶政以濟兆人勳戚加優厚之恩兄弟盡
友于之至務崇敦本克慎明德今小人作孽已伏憲章
恐不逞之徒猶未能息凡在宗屬用申懲誠自今已後
諸王公主駙馬外戚家除非至親以外不得出入門庭
妄說言語所以共存至公之道永協和平之義克固藩
翰以保厥休貴戚懿親宜書座右又下制約百官不得
與卜祝之人交遊來往己卯夜京兆人權梁山僞稱襄

王男自號光帝與其黨權楚壁以屯營兵數百人自景

風長樂等門斬關入宮城構逆至曉兵敗斬梁山傳首

東都廢河陽柏崖倉

癸未吐番攻小勃律北庭節度使張孝嵩敗之

冬十月癸

丑乾元殿依舊題爲明堂甲寅幸壽安之故興泰宮畋

獵於上宜川庚申至自興泰宮波斯國遣使獻師子十

一月乙未初令宰相其食實封三百戶十二月停按察

使

突厥請和

十一年春正月丁卯降都城見禁囚徒流死罪減一等

餘竝原之己巳北都巡狩敕所至處存問高年鰥寡憐

獨征人家減流死罪一等徒以下放免庚辰幸并州

潞州宴父老曲赦大辟罪已下給復五年別改其舊宅

爲飛龍宮辛卯改并州爲太原府官吏補授一準京兆

河南兩府

癸巳赦太原府

百姓給復一年貧戶復二年元從戶

復五年

侍老八十以上縣令婦人縣君九十以上上州長史婦人郡君百歲以上上州刺史婦人郡

夫武德功臣及元從子孫有才堪文武未有官者委府

縣搜揚具以名薦上親製起義堂頌及書刻石紀功於

太原府之南街二月戊申次晉州

己酉壇場使中書令張

嘉貞貶爲幽州刺史王子祠后土於汾陰之雎上昇壇

行事官三品已上加一爵四品已上加一階陪位官賜

勳一轉改汾陰爲寶鼎縣癸亥兵部尙書張說兼中書

令三月庚午

新書
辛未

車駕至京師制所經州府縣無出今

年地稅京城見禁囚徒竝原免之夏四月丙辰遷祔中

宗神主於太廟

新書在
五月
月乙丑

癸亥

新書
甲子

張說正除中書令

吏部尚書中山公王峻爲兵部尚書同中書門下三品

五月己巳

新書
己丑

北都置軍器監官員王峻爲朔方節度

使兼知河北郡隴右河西兵馬使

辛卯遣使
分巡天下

六月王峻

赴朔方軍秋八月戊申尊八代祖宣皇帝廟號獻祖光

皇帝廟號懿祖始祔於太廟之九廟九月己巳頒上撰

廣濟方於天下仍令諸州各置醫博士一人春秋二時

釋奠諸州宜依舊用牲牢其屬縣用酒脯而已冬十月

丁酉幸新豐之溫泉宮甲寅至自溫泉十一月戊寅親

祀南郊大赦天下見禁囚徒死罪至徒流已下免除之

昇壇行事及供奉官三品已上賜爵一級四品轉一階

武德以來實封功臣知政宰輔淪屈者所司具以狀聞

親王公主一子官高年粟帛孝子順孫終身勿事賜酺三日京城五日自

京師至於山東淮南大雪平地三尺餘五行志無丁亥廢軍

器監官員少府監加置少監一人以充之十二月甲午

幸鳳泉湯戊申至自鳳泉湯庚申王峻授蘄州刺史

十二年夏四月王寅詔旁繼國王禮當廢而屬近者封郡王封故澤王上金

男義珣爲嗣澤王嗣許王瓘左授鄂州別駕以弟璆爲

上金嗣故也癸卯嗣江王禕降爲信安郡王嗣蜀王禴
爲廣漢郡王嗣密王徹爲濮陽郡王嗣曹王臻爲濟國

公嗣趙王琚爲中山郡王武陽郡王堪爲澧國公禕等
竝自神龍之後相繼爲王以權利澤王之封盡令歸宗

改封焉秋七月壬申月食旣已卯廢皇后王氏爲庶人

后弟太子少保駙馬都尉守一貶爲澤州別駕至藍田

賜死戶部尙書河東伯張嘉貞貶台州刺史冬十月庶人王氏

卒十一月庚申新書庚午幸東都至華陰上制岳廟文勒之

於石立於祠南之道周戊寅至東都庚辰司徒申王撝

薨新書辛巳追諡曰惠莊太子五溪首領覃行璋反遣鎮軍

大將軍兼內侍楊思勗討平之閏十二月丙辰朔日有食之

十三年春正月乙酉以幽州都督府爲大都督府戊子降死罪從流流已下罪悉原之分遣御史中丞蔣欽緒等往十道疏決囚徒

壬子葬朔方隴右河西戰亡者

二月戊午幸龍門

卽日還宮乙亥初置驍騎分隸十二司丙子改幽州爲邠州鄭州爲莫州梁州爲襄州沅州爲巫州舞州爲鶴州閩州爲福州以避文相類及聲相近者三月甲午皇太子嗣謙改名鴻郟王嗣眞改名潭徙封慶王陝王嗣昇改名浚徙封忠王郟王嗣眞改名洽徙封棣王鄂王

嗣初改名涓郵王嗣元改名湜徙封榮王又第八子滌封爲光王第十二男濰封爲儀王第十三男灃封爲潁王第十六男澤封爲永王第十八男清封爲壽王第二十二男洄封爲延王第二十一男沐封爲盛王第二十二男溢封爲濟王丙申御史大夫程行誡奏周朝酷吏來子珣萬國俊王宏義侯思止郭霸焦仁亶張知默李敬仁唐奉一來俊臣周興邱神勣索元禮曹仁哲王景昭裴籍李秦授劉光業王德壽屈貞筠鮑思恭劉景陽王處貞等二十三人殘害宗枝毒陷良善情狀九重子孫不許仕官陳嘉言魚承擘皇甫文備傅遊藝四人情狀

雖輕子孫不許近任請依開元二年二月五日敕夏四月丁巳改集仙殿爲集賢殿麗正殿書院改集賢殿書

院內五品已上爲學士六品已下爲直學士癸酉令朝

集使各舉所部孝弟文武集於泰山之下五月庚寅妖

賊劉定高率其黨夜犯通洛門盡擒斬之六月乙亥廢

都西市九月丙戌罷奏祥瑞冬十月癸丑新造銅儀成置於景運

門內以示百官辛酉東封泰山發自東都庚午次濮州賜河南北五

百里內父老帛十一月丙戌至兗州太宗頓丁亥致齋於行宮

己丑日南至備法駕登山仗衛羅列嶽下百餘里詔行

從畱於谷口上與宰臣禮官昇山庚寅祀昊天上帝於

上壇有司祀五帝百神於下壇禮畢藏玉冊於封祀壇之石臧然後燔柴燎發羣臣稱萬歲傳呼自山頂至嶽下震動山谷上還齋宮慶雲見日抱戴辛卯祀皇地祇於社首藏玉冊於石臧如封祀壇之禮壬辰御帳殿受賀朝大赦天下流人未還者放還內外官三品已上賜

爵一等四品已下賜一階登山官封賜一階

致仕官一季祿公主

嗣王郡縣主一子官諸蕃酋長來會者一官免所過一歲兖州二歲租賜天下酺七日

褒聖侯量

才與處分封泰山神爲天齊王禮秩加三公一等近山十里禁其樵採賜輔臣侍中源乾曜爲尚書左丞相兼侍中中書令張說爲尚書右丞相兼中書令甲午發岱

獄丙申幸孔子宅親設奠祭

遣使以太牢祭其墓給復近墓五戶丁酉賜徐曹毫

許仙豫六州父老帛

十二月己巳至東都時累歲豐稔東都米斛

十錢青齊米斛五錢是冬分吏部爲十銓敕禮部尙書

蘇頲刑部尙書韋抗工部尙書盧從愿等分掌選事

十四年春正月癸亥改封契丹松漠郡王李召固爲廣

化王奚饒樂郡王李魯蘇爲奉誠王封宗室外甥女二

人爲公主各以妻之二月庚戌朔邕州獠首領梁大海

周光等據賓橫等州叛遣驃騎大將軍兼內侍楊思勗

討之三月壬寅以國甥東華公主降於契丹李召固夏

四月癸丑御史中丞宇文融與御史大夫崔隱甫彈尙

書右丞相兼中書令張說鞫於尚書省丁巳戶部侍郎

李元紘

爲中書侍郎

同中書門下平章事庚申張說停兼中

書令丁卯太子少師

當作太子太傅

岐王範薨冊贈惠文太子

辛丑於定恒莫易滄等五州置軍以備突厥五月癸卯

戶部進計帳今年管戶七百六萬九千五百六十五管

口四千一百四十一萬九千七百一十二六月戊午大

風拔木發屋毀端門鳴吻都城門等及寺觀鳴吻落者

殆半上以旱暴風雨命中外羣官上封事指言時政得

失無有所隱秋七月癸未夜灑水暴漲入漕漂沒諸州

租船數百艘溺者甚衆

八月丙午河決魏州

九月己丑檢校黃門

侍郎兼磧西副大都護

新書磧西節度使

杜暹同中書門下平

章事是秋十五州言旱及霜五十州言水河南河北尤

甚蘇同常福四州漂壞廬舍遣御史中丞宇文融檢覆

賑給之冬十月

甲寅太白晝見

廢麟州庚申幸汝州廣成湯已

已還東都十一月甲戌突厥遣使來朝辛丑渤海靺鞨

遣其子義信來朝并獻方物十二月丁巳幸壽安之方

秀川己未日色赤如赭壬戌還東都

十五年春正月戊寅制草澤有文武高才令詣闕自舉

庚子太史監復爲太史局依舊隸祕書省辛丑涼州都

督王君奭破吐蕃於青海之西虜輜車馬羊而還二月

遣左監門將軍黎敬仁往河北賑給貧乏時河北牛畜
大疫己巳尙書右丞相張說御史大夫崔隱甫中丞字
文融以朋黨相構制說致仕隱甫免官侍母融左遷魏
州刺史夏五月晉州大水漂損居人廬舍癸酉以慶王
潭爲涼州都督兼河西諸軍節度大使忠王浚爲單于
大都護朔方節度大使棣王洽爲太原冀北牧河東節
度大使鄂王涓爲幽州都督河北節度大使榮王滉爲
京兆牧隴右節度大使光王浮爲廣州都督五府節度
大使儀王澠爲河南牧潁王湮爲安東都護平盧軍節
度大使永王澤爲荊州大都督壽王淸爲益州大都督

劍南節度大使延王洄爲安西大都護磧西節度大使
盛王沐爲揚州大都督竝不出閤秋七月甲戌雷震興
教門樓兩鴟吻欄檻及柱災禮部尙書蘇頌卒庚寅鄜
州洛水汎漲壞人廬舍辛卯又壞同州馮翊縣解字及
溺死者甚衆丙申改武臨縣爲潁陽縣己亥赦都城繫
囚死罪降從流徒己下罪悉免之九月丙子吐蕃寇瓜
州執刺史田元獻及王君奐父壽殺掠人吏盡取軍資
倉糧而去丙戌突厥毗伽可汗使其大臣梅錄啜來朝
閏月庚子突騎施蘇祿吐蕃贊普圍安西副大都護趙
頤貞擊走之庚申車駕發東都還京師回紇部落殺王

君奭於甘州之鞏筆驛制檢校兵部尙書蕭嵩兼判涼州事總兵以禦吐蕃是秋六十三州水十七州霜旱河北饑轉江淮之南租米百萬石以賑給之冬十月己卯至自東都

十一月丁卯獵於城南

十二月乙亥幸溫泉宮丙戌至

自溫泉宮

十六年春正月庚子始聽政於興慶宮春瀧等州獠首

領瀧州刺史陳行範廣州首領馮仁智

楊思勳傳名璘

何遊魯

叛遣驃騎大將軍楊思勳討之壬寅安西副大都護趙

頤貞敗吐蕃於曲子城

乙卯瀧州首領陳行範反伏誅庚申許徒以下囚保任營農

甲子黑水靺鞨遣使來朝獻

二月丙戌免營農囚罪

秋七月吐蕃

寇瓜州刺史張守珪擊破之乙巳檢校兵部尙書蕭嵩
鄯州都督張志亮攻拔吐蕃大莫門城斬獲數千級收
其資畜而還丙辰新羅王金興光遣使貢方物八月己
巳特進張說進開元大衍厯詔命有司頒行之辛卯蕭
嵩又遣杜賓客擊吐蕃於祁連城大破之獲其大將一
人斬首五千級九月丙午以久雨降死罪從流徒以下
原之冬十月己卯幸溫泉宮己丑至自溫泉宮十一月

癸巳朔檢校兵部尙書河西節度判涼州事蕭嵩爲

表守

兵部尙書同中書門下平章事餘如故

甲辰弛陂澤禁戊申幸寧王憲

第庚戌至自寧王憲第

十二月丁卯幸溫泉宮丁丑至自溫泉宮

十七年春二月丁卯鶴州都督張審素攻破蠻拔昆明

城及鹽城殺獲萬人庚子特進張說復爲尙書左丞相

同州刺史陸象先爲太子少保甲寅禮部尙書信安王

禕帥衆攻拔吐蕃石堡城

三月壬戌張守珪及吐蕃戰於大同軍敗之

夏四

月癸亥令中書門下分就大理京兆萬年長安等獄疏

決囚徒制天下繫囚死罪減一等餘竝宥之丁亥

新書乙亥

大風震電藍田山崩五月癸巳復置十道按察使右散

騎常侍徐堅卒六月甲戌尙書左丞相源乾曜停兼侍

中黃門侍郎杜暹爲荊州大都督府長史中書侍郎李

元紘爲曹州刺史兵部尙書蕭嵩兼中書令戶部侍郎

兼鴻臚卿字文融爲黃門侍郎兵部侍郎裴光庭爲中書侍郎竝同中書門下平章事秋七月辛丑工部尙書張嘉貞卒八月癸亥上以降誕日譙百僚於花萼樓下百僚表請以每年八月五日爲千秋節王公已下獻鏡及承露囊天下諸州咸令譙樂休假三日仍編爲令從之丙寅越州大水漂壞廨宇及居人廬舍己卯中書侍郎裴光庭兼御史大夫依舊知政事乙酉尙書右丞相開府儀同三司兼吏部尙書宋璟爲尙書左丞相尙書左丞相源乾曜爲太子少傅九月壬子宇文融左遷汝州刺史俄又貶昭州平樂尉壬寅裴光庭爲黃門侍郎

依舊知政事冬十月戊午朔日有食之不盡如鉤癸未
睦州獻竹實庚申前太子賓客元行冲卒十一月庚寅
親饗九廟辛卯發京師丙申謁橋陵上望陵涕泣左右
竝哀感制奉先縣同赤縣以所管萬三百戶供陵寢三
府兵馬供宿衛曲赦縣內大辟罪已下戊戌謁定陵已
亥謁獻陵壬寅謁昭陵乙巳謁乾陵戊申車駕還宮大
赦天下流移人竝放還左降官移近處百姓無出今年
地稅之半每陵取側近六鄉供陵寢內外官三品已上
加爵一等四品已下賜一階五品已上諸父母亡者依
級賜官及邑號

賜侍老帛旌表孝子順孫義夫節婦終身勿事唐隆兩營立功三品已上子一

子官免供頓縣今歲稅
賜諸軍行人勳兩轉

十二月辛酉幸溫泉宮乙丑校

獵渭濱壬申至自溫泉宮是冬無雪

十八年春正月辛卯黃門侍郎裴光庭爲侍中依舊兼
御史大夫左丞相張說加開府儀同三司丙午幸薛王
業宅卽日還宮二月丙寅大雨雪俄而雷震左飛龍殿

災

辛未赦四
罪杖以下

三月辛卯改定州縣上中下戶口之數依

舊給京官職田夏四月乙卯築京城外郭城凡十月而
功畢壬戌幸寧親公主第卽日還宮乙丑裴光庭兼吏
部尙書是春命侍臣及百僚每旬暇日尋勝地讌樂仍
賜錢令所司供帳造食丁卯侍臣已下讌於春明門外

寧王憲之園池上御花萼樓邀其迴騎便令坐飲遞起

爲舞頒賜有差

案是春已下疑皆屬二月事蓋三月無丁卯四月不當云春也五月酉

契丹衙官可突干殺其主李召固率部落降於突厥奚
部落亦隨西叛奚王李魯蘇來奔召固妻東華公主陳
氏及魯蘇妻東光公主韋氏竝奔投平盧軍制幽州長
史趙含章率兵討之六月庚申命左右丞相尙書及中
書門下五品已上官舉才堪邊任及刺史者甲子彗星
見於五車癸酉有星孛於畢昴

乙亥瀝水溢五行志同下壬午

丙子命

單于大都護忠王浚爲河北道行軍元帥御史大夫李

朝隱京兆尹裴佑先爲副率十八總管以討契丹及奚

等事竟不行壬午東都漚洛汎漲壞天津永濟二橋及
提象門外仗舍損居人廬舍千餘家閏月甲申分幽州
置薊州己丑令范安及韓朝宗就漚洛水源疏決置門
以節水勢辛卯禮部奏請千秋節休假三日及村閭社
會竝就千秋節先賽白帝報田祖然後坐飲散之秋七
月庚辰幸寧王憲第卽日還宮八月丁亥上御花萼樓
以千秋節百官獻賀賜四品已上金鏡珠囊縑綵賜五
品已下束帛有差上賦八韻詩又制秋景詩辛亥幸永
穆公主宅卽日還宮九月先是高戶捉官本錢乙卯御
史大夫李朝隱奏請薄稅百姓一年租錢充依舊高戶

及典正等捉隨月收利供官人稅錢

丁巳忠王浚兼河東道諸軍元帥

冬十月

戊子

吐蕃遣其大臣名悉獵獻方物請降許之庚

寅幸岐州之鳳泉湯癸卯至自鳳泉湯十一月丁卯幸

新豐溫泉宮

丁丑至自溫泉宮

十二月戊子豐州刺史袁振坐

妖言下獄死戊申尙書左丞相燕國公張說薨是歲百

僚及華州父老累表請上尊號內請加聖文兩字并封

西嶽不允

十九年春正月壬戌開府儀同三司霍國公王毛仲貶

爲灤州別駕中路賜死黨與貶黜者十數人辛未遣鴻

臚卿崔琳入吐蕃報聘丙子親耕於興慶宮龍池己卯

禁採捕鯉魚天下州府春秋二時社及釋奠停牲牢唯

用酒脯永爲常式二月甲午以崔琳爲御史大夫三月

乙酉朔

案三月疑己酉朔通鑑註亦作乙酉疑誤

崔琳使於吐蕃夏四月王

午於京城置禮院降死罪以下丙申令兩京及天下諸州各

置太公尙父廟以張良配饗春秋二時仲月上戊日祭

之五月壬戌五嶽各置老君廟六月乙酉大風拔木秋

七月癸丑吐蕃請和

八月辛巳

以千秋節

降天下死罪從流徒已下悉

原之九月辛未吐蕃遣其國相論尙他碑來朝冬十月

丙申幸東都十一月

乙卯次洛城南賜從官帛

丙辰至東都甲子太

子少傅源乾曜薨十二月鶴州都督張審素以劫制使

監察御史楊汪伏誅是冬浚苑內洛水六十餘日而罷
戊戌裴光庭上瑤山往則維城前軌各一卷上令賜太

子諸王各一本

是歲揚州
穰稻生

二十年春正月乙卯以禮部尙書信安王禕

爲河東河
北道行軍

副元帥

率兵討契丹丁巳幸長芬公主宅乙丑幸薛王業

宅竝卽日還宮二月

甲戌朔日有食之舊
書天文志癸酉朔

己未

案是月
無己未

誤敕文武選人承前例三月三十日爲例然開選門比

團甲進官至夏來自今已後選門竝正月內開團甲二

月內訖

壬子

分命宰相錄京城諸獄繫囚三月

己未信安王

禕與幽州長史趙含章大破奚契丹於幽州之北山夏

四月乙亥讌百僚於上陽東洲醉者賜以牀褥肩輿而歸相屬於路癸巳改造天津橋毀皇津橋合爲一橋五月癸卯制寒食上墓宜編入五禮永爲恒式辛亥金仙長公主薨戊辰新書戊申信安王禕獻奚契丹之俘上御應天門受之六月丁丑單于大都護河東河北道行軍元帥忠王浚加司徒都護如故副大使信安王禕加開府儀同三司庚寅幽州長史趙含章坐盜用庫物左監門員外將軍楊元方受含章饋餉竝於朝堂決杖流瀼州皆賜死於路其月遣范安及於長安廣花萼樓築夾城至芙蓉園秋七月戊辰幸寧王憲宅卽日還宮八月辛

未朔日有食之己卯戶部尙書王峻卒九月乙巳中書

令蕭嵩等奏上開元新禮一百五十卷制所司行用之

渤海靺鞨寇登州殺刺史韋俊命左領軍將軍蓋福順

發兵討之

戊寅以宋滑兗鄆四州水免今歲稅

冬十月

壬午如潞州

丙戌命巡

幸所至有賢才未聞達者舉之仍令中書門下疏決囚

徒辛卯至潞州之飛龍宮給復三年兵募丁防先差未

發者令改出餘州

賜高年粟帛

十一月辛丑至北都癸丑曲

赦太原給復三年庚申祀后土於雝上大赦天下左降

官量移近處內外文武官加一階開元勳臣盡假紫及

緋免供頓州今歲稅賜侍老帛武德以來

功臣後及唐隆功臣三品以上一子官大酺三日十

二月壬申

新書
辛未

至京師

表蕭嵩為
兵部尚書

其年戶部計戶七百

八十六萬一千二百三十六口四千五百四十三萬一

千二百六十五

二十一年春正月庚子朔制令士庶家藏老子一本每

年貢舉人量減尚書論語兩條策加老子策乙巳遷祔

肅明皇后神主於廟毀儀坤廟丁巳幸溫泉宮己未命

工部尚書李暉使於吐蕃癸亥至自溫泉宮

新書在二
月丁亥

三月乙巳侍中裴光庭薨甲寅尚書右丞韓休為黃門

侍郎同中書門下平章事閏月

癸酉

幽州道副總管郭英

傑等討契丹為所敗於都山之下英傑死之夏四月丁

已新書以久旱命太子少保陸象先戶部尚書杜暹等

乙卯

七人往諸道宣慰賑給及令黜陟官吏疏決囚徒丁酉

案是月無丁酉新書同寧王憲爲太尉薛王業爲司徒

上丁巳此疑屬衍文

慶王潭爲太子太師忠王浚爲開府儀同三司棣王洽

爲太子太傅鄂王涓爲太子太保五月甲申新書皇太

子納妃薛氏制天下死罪降從流流已下釋放京文武

官賜勳一轉秋七月乙丑朝日有食之九月壬午封皇

子湓爲濟王案湓十三年三月沔爲信王泚爲義王濯

爲陳王澄爲豐王

已封此疑衍文

滒爲涼王洎爲深王冬十

月庚戌幸溫泉宮已未至自

十一月戊子尚書右丞相

宋璟以年老請致仕許之十二月丁未

新書丁巳當從新書

兵部

尙書徐國公蕭嵩爲尙書右丞相黃門侍郎韓休爲兵

部尙書

表檢校工部尙書

竝罷知政事京兆尹裴燿卿爲

表黃

門侍郎前中書侍郎張九齡起復舊官竝同中書門下
平章事是歲關中久雨害稼京師飢詔出太倉米二百
萬石給之

二十二年春正月癸亥朔制古聖帝明皇嶽瀆海鎮用
牲牢餘竝以酒脯充奠己巳幸東都辛未太府卿嚴挺
之戶部侍郎裴寬於河南存問賑給乙酉懷衛邢相等
五州乏糧遣中書舍人裴敦復巡問量給種子己丑至

東都二月壬寅秦州地震解宇及居人廬舍崩壞殆盡

歷死官吏已下四十餘人

案舊書五行志作百餘人新書志四千餘人此云四十餘

人不應多寡相去如此之甚然觀上文廬舍崩壞殆盡下文分別給復歷死之家則似當以新書爲正舊書紀蓋以千字譌作十字耳殷殷有聲仍連震不止命尙書右丞相蕭

嵩往祭山川竝遣使存問賑恤之壓死之家給復一年

一家三人已上死者給復二年辛亥初置十道採訪處

置使徵恒州張果先生授銀青光祿大夫號曰通元先

生三月沒京兆商人任令方資財六十餘萬貫壬午欲

令不禁私鑄錢遣公卿百僚詳議可否衆以爲不可遂

止夏四月乙未伊西北庭且依舊爲節度使廢太廟署

以太常寺奉宗廟庚子唐州界準勝州例立表測候日
晷影長短乙巳詔京都見禁囚徒令中書門下及畱守
檢校覆降罪天下諸州委刺史丁未眉州鼎皇山下江
水中得寶鼎甲寅北庭都護劉渙謀反伏誅五月戊子
黃門侍郎裴耀卿爲侍中中書侍郎張九齡爲中書令

黃門侍郎李林甫爲禮部尙書同中書門下平章事

新書

同三品是日
大風拔木

關中大風拔木同州尤甚是夏上自於苑

中種麥率皇太子已下躬自收穫謂太子等曰此將薦
宗廟是以躬親亦欲令汝等知稼穡之難也因分賜侍
臣謂曰比歲令人巡檢苗稼所對多不實故自種植以

觀其成且春秋書麥禾豈非古人所重也六月

壬辰幽州節度

使張守珪俘奚契丹以獻

乙未遣左金吾將軍李佺於赤嶺與吐蕃

分界立碑秋七月己巳司徒薛王業薨追諡爲惠宣太

子甲申遣中書令張九齡充河南開稻田使八月先是

駕至東都遣侍中裴耀卿充江淮河南轉運使河口置

輪場壬寅於輪場東置河陰縣又遣張九齡於許豫陳

亳等州置水屯九月壬申改饒樂都督府爲奉誠都督

府辛巳移登州平海軍於海口安置冬十月甲辰試司

農卿陳思問以賊私配流瀼州

十一月甲戌免關內河南八等以下戶田不百

畝者今歲租

十二月戊子朔日有食之乙巳幽州長史張守

珪發兵討契丹斬其王屈烈及其大臣可突干於陣傳
首東都餘叛奚皆散走山谷立其酋長李過折爲契丹
王是歲突厥毗伽可汗死斷京城乞兒

二十三年春正月乙亥親耕籍田上加至九推而止卿
已下終其畝大赦天下京文武官及朝集採訪使三品
已上加一爵四品已下加一階外官賜勳一轉其才有
霸王之略學究天人之際及堪將帥牧宰者令五品已
上清官及刺史各舉一人致仕官量與改職依前致仕
侍老百歲以上版授上州刺史九十以上中州刺史八
十以上上州司馬賜陪位官勳爵征防兵父母年七十
者遣賜醮三日三月丁卯殿中侍御史楊萬頃爲讐人
還

所殺夏五月戊寅宗子請率月俸於興慶宮建龍池上
聖德頌秋七月丙子皇太子鴻改名瑛慶王潭已下十
四王竝改名又封皇子毗爲義王珪爲陳王珙爲豐王
瑱爲恒王璿爲涼王璪爲汴王案義王以下六王二十
一年九月已封矣此疑
與慶王以下同
改名耳非封也其榮王琬已下竝開府置官屬各食實

封二千戶八月戊子制鰥寡惇獨免今年地稅之半江

淮已南有遭水處本道使賑給之九月戊申案是月無
戊申誤

移泗州就臨淮縣置冬十月辛亥移隸伊西北庭都護

屬四鎮節度突騎施寇北庭及安西撥換城新書十一
戊申

月壬申朔新書閏十一月壬午朔未知
食在何月壬申朔則總誤也日有食之表閏
月壬

寅李林甫爲

戶部尚書

十二月新羅遣使朝獻

是冬東都人劉普會反伏誅

二十四年春正月吐蕃遣使獻方物

丙午

北庭都護蓋嘉

運率兵擊突騎施破之三月乙未始移考功貢舉遣禮

部侍郎掌之夏

四月丁丑降死罪以下

五月丙午京兆醴泉妖人

劉志誠率衆爲亂將趨京城咸陽官吏燒便橋以斷其

路俄而散走京兆府盡擒斬之是夏大熱道路有暍死

者秋七月庚子太子太保陸象先卒辛丑

表庚子

李林甫

爲兵部尚書依舊知政事乙巳初置壽星壇祭老人星

及角亢等七宿八月戊申朔加親舅小功服舅母總麻

服堂舅袒免

甲寅突騎施請和

乙亥汴王瓌薨九月壬午改尙

書主爵曰司封冬十月戊申車駕發東都還西京

京師地震

五行志無

甲子至華州曲赦行在繫囚

免供頓州今歲稅賜刺史縣令中上考

丁丑

新書

至自東都十一月

辛丑東都地震五行志無

壬寅侍中裴

耀卿為尚書左丞相中書令張九齡為尚書右丞相竝

罷知政事兵部尚書李林甫兼中書令殿中監

朔方軍節度副

大使牛仙客為

表

兵部

新書

尚書同中書門下三品尚書

右丞相蕭嵩為太子太師工部尚書韓休為太子少保

本傳太子少師

十二月戊申太子太師慶王琮為司徒丙寅牛

仙客知門下省事

唐書卷第八